


重刻通典



			五	漢
			一	書
			六	門
四	八	九	〇	
架	函	號	類	

內閣文庫			
元	五		漢
三	一		書
二	六		門
六	八	〇	
架	冊	號	類

內閣文庫	
番號	漢 5160
冊數	48(46)
函號	293 124

百八之百九十一

四十六



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



通典卷第一百八十八

唐 京 兆 杜 佑 君 卿 纂

邊防四

南蠻下

嶺南序略 蠻獠附

五嶺之南漲海之北三代以前是為荒服秦平天下開置南海等三郡秦亂趙佗據有其地傳五代九十三歲至漢武建元中伏波將軍路博德滅之分為儋耳等九郡其珠崖郡在海洲上大率數歲一反元帝初元中納賈捐之議罷之後漢光武建武中交趾女子徵側反略

乾隆十二年校刊

通典卷一百八十八 邊防四

有六十餘城伏波將軍馬援討平之桓靈以後蠻獠又據象郡象林縣遂爲林邑國矣其餘郡縣歷代雖有反亂州郡兵旋平定之極南之人雕題交趾其俗男女同川而浴題額也雕謂刻其肌肉用青涅之也交趾謂足大趾開闊並立相交其西有噉人國生首子輒解而食之謂之宜弟味旨則以遺其君君喜而賞其父娶妻妾美皆讓其兄烏侖人是也烏侖地在南海郡之西南安南海郡之北朗寧郡管○交趾之南有越裳國周公居攝六年天下和平越裳以重譯而獻白雉周德旣衰於是稍絕及楚子稱霸朝貢百越秦始皇平天下開嶺外置南海今南海始興義寧海豐恩平南陵臨賀高要感義晉康臨封開陽高梁連城新興銅陵懷德潮陽等郡地

皆桂林今始安平樂蒙山開江蒼梧潯江臨江鬱林平是桂林今始安平樂蒙山開江蒼梧潯江臨江鬱林平仁寧浦橫山修德龍象郡今招義南潛普寧陵水南昌池永定等郡地皆是象郡今招義南潛普寧陵水南昌城九真福祿文陽口南承化玉山合至胡亥時南海尉浦安樂海康温水湯泉等郡皆是任囂病且死召南海龍川令真定人趙佗語曰漢真定今常山郡漢龍川今海豐郡中國擾亂未知所安番禺今南海郡嶮阻南北東西數千里可以爲國郡中長吏無足與言故召公告之卽被佗書行南海尉事被加囂死佗以絕秦所開新道聚兵自守秦已滅佗卽擊并桂林象郡自立爲南越武王漢已定天下爲中國勞苦故釋佗不誅遣陸賈立佗爲南越王高后時佗乃自稱爲南越武帝發兵攻

乾隆十二年校刊

通鑑卷二百六 邊防四

長沙邊邑敗數縣而去今長沙衡陽等郡以兵威財物賂遺閩

越即今西甌駱越役屬焉西甌即駱越也言西者以別東甌耳今南海郡西南懷澤

郡等東西萬餘里南北數千里及孝文帝初立鎮撫天下

乃為佗親塚在真定置守邑歲時奉祠召其從昆季尊

官厚賜寵之詔陸賈使往諭之賈至南越王上書謝願

為藩臣奉職貢至武帝建元四年佗孫胡時閩越王郢

與兵擊南越邊邑胡使人上書曰兩越俱為藩臣無得

擅與兵相攻擊今東越擅侵臣臣不敢與兵唯天子詔

之於是天子多南越義守職約為遣兩將往討閩越淮

南王上書諫曰夫越方外之地勦髮文身之人也越人勦髮

古翦字也不可以冠帶之國法度理也自三代之盛胡

越不與受正朔非強不能服威不能制也以為不居之

地不牧之人不足以煩中國也地不可居而人不可牧養故古者封

內甸服封內謂封圻千里之內甸服主理王田以供祭祀也封外侯服封外千里

也為王侯衛賓服侯服之外又有衛服賓見蠻夷要服

又在侯衛之外而居九州之戎狄荒服此在九州之外

內者要言以文德要束之耳遠近之勢異也自漢初定以來七十二年吳

越人相攻擊者不可勝數然天子未嘗舉兵而入其地

也臣聞越非有城郭邑里也處谿谷之間篁竹之中竹叢

也竹小習於水鬪便於用舟地深昧而多水險昧暗也言多草

日篁

木 中國之人不知其勢阻而入其地雖百不當其一得

其地不可郡縣也攻之不可暴取也以地圖察其山川

要塞相去不過數寸之間而數百里千里阻險林叢弗

能盡著不可盡載於圖著張許反視之若易行之甚難今自攻擊而

陛下以兵救之是反以中國而勞蠻夷也疲勞中國之人於蠻夷之

地且越人愚戇輕薄戇陟降反負約反覆其不用天子之法

度非一日之積也一不奉詔舉兵誅之臣恐後兵革無

時得息也今發兵行數千里負衣糧入越地輿轎而踰

嶺輿音橋謂隘道輿車也托舟而入水托曳也音佗夏月暑時嘔洩霍

亂之病相隨屬也曾未接刃死傷者必衆矣且越人寡

力薄材不能陸戰又無軍騎弓弩之用然而不可入者

以保地險而中國之人不能其水土也能堪南方暑濕近

夏瘴熱瘴黃病丁幹反暴露水居蝮虵蠹蟲蠹毒也音壑疾疫皆作

兵未血刃而病死十二二雖舉越國而虜之不足以償

所亡舉謂總取也臣聞道路言閩越王弟甲弑王而殺之者甲

閩王弟之名甲以誅死其人本有所屬陛下若欲來內處之

中國使重臣臨存謂省問以招致之此必携幼扶老以歸

聖德若陛下無所用之則繼其絕世存其亡國建其王

侯此必委質為藩臣代供貢職陛下以方寸之印丈二

之組不勞一卒不頓一戟頓音鈍而威德並行今以兵入

乾隆十二年校刊 通鑑卷一百一 邊防四 四

其地必雉兔逃入山林險阻如雉兔之逃竄而入山林險阻之中背而去之則復相羣聚留而守之歷歲經年則士卒罷倦罷音疲糧食乏絕男子不得耕稼樹種婦人不得紡績織紉紉音女反今陛下以四海為境九州為家生人之屬皆為臣妾人徒之眾足以奉千官之供租稅之收足以給乘輿之御號令天下四海之內莫不響應陛下垂德惠以覆育之使元元之甦安生樂業則澤被萬代傳之子孫夷狄之地何足以為一日之間間讀曰閑得其地物不足為一日閑服之虞而煩汗馬之勞乎帝不從兵未逾嶺閩越王弟餘善殺郢以降於是罷兵後至孫興立其母太后本中國人勸王及幸

臣上書請比內諸侯三歲一朝其相呂嘉不欲遂反攻

殺太后盡殺漢使者立胡長男建德為王發兵守要害

處於是令越人及江淮以南今連山郡船十萬師往討之元鼎

五年秋衛尉路博德為伏波將軍自桂陽下匯水今連山郡

有匯水通四會或作湟匯音會主爵都尉楊僕為樓船將軍出章郡下

橫浦今南康郡大故歸義越侯二人故越人為戈船下

瀨將軍瀨水流沙上也伍子胥有戈船出零陵今郡或下灘

水今桂或抵蒼梧今使馳義侯越人名遺因巴蜀罪人發夜

郎兵下牂牁江咸會番禺元鼎六年冬樓船將軍將精

卒先陷尋陬破石門今南海郡北得越船粟因推而前挫越

乾隆十二年校刊

通鑑卷一百七十四 邊防四

五

鋒伏波將軍將罪人道遠後期與樓船會乃有千餘人
遂俱進樓船居前至番禺建德嘉皆城守樓船自擇便
處居東南面伏波居西北面會暮樓船攻敗越人縱火
燒城越素聞伏波暮不知其兵多少伏波乃遣使招降
者賜印綬復縱令相招來降者即賜以侯印樓船力攻而放令還更相招喻
燒敵反驅而入伏波營中遲明遲更城中皆降伏波呂
嘉建德以夜與其屬數百人亡入海伏波遣人追以故
其校司馬蘇弘得建德越郎都稽越中所置得呂嘉戈船
下瀨將軍兵及馳義侯所發夜郎兵亦下南越以平遂
以其地爲儋耳珠崖南海蒼梧鬱林浦交趾九真日

南九郡

並今郡地惟交趾則今安南也

置交趾刺史領之自佗王後凡

五代九十三歲而亡焉其珠崖儋耳二郡在海洲上東

西千里南北五百里

今珠崖等郡地

其渠帥貴長耳皆穿珠而

總之垂肩三寸武帝末珠崖太守會稽孫幸調廣幅布

獻之蠻不堪役遂攻郡殺幸幸子豹合率萬人還復破

之自領郡事討擊餘黨連年乃平豹遣使封還印綬上

書言狀制詔即拜豹爲珠崖太守

即就也

威政大行獻命

歲至中國貪其珍賂漸相親侮故率數歲一反至元帝

時珠崖數反賈誼孫捐之上書請勿擊曰臣聞堯舜禹

三聖之德地方不過數千里西被流沙東漸於海朔南

暨聲教迄於四海欲與聲教卽理之不欲與者不疆理也故君臣歌德含氣之物各得其宜武丁成王殷周之大仁也然地東不過江黃西不過氐羌南不過蠻荆北不過朔方是以頌聲並作視聽之類咸樂其生越裳氏重九譯而獻此非兵革之所能致及其衰也南征不還以至於秦興兵遠攻貪外虛內務欲廣地不慮其害而天下潰畔賴聖漢爲百姓請命平定天下至孝文皇帝偃武行文則斷獄數百人賦四十丁男三年而一事時有獻千里馬者詔不受其令四方無來獻至孝武皇帝以國富人逸攘卻匈奴西連諸國至於安息東過碣石

以元菟樂浪爲郡更移營塞制南海以爲九郡則天下斷獄萬數人賦數百造鹽鐵推酒之利以佐用度猶不能足當此之時寇賊並起征伐不休之故也今陛下不忍涓涓之忿欲毆士衆擠之大海之中快心幽冥之地非所以救助饑饉保全元元也詩云蠢爾蠻荆大邦爲讐自古而患之久矣何況乃服其南萬里之蠻乎駱越之人父子同川而浴相習以鼻飲與禽獸無異木不足邵縣置也顛顛獨居一海之中霧露氣濕多毒草蟲蛇水土之害人未見虜戰士自一死又非獨珠崖有珠犀瑁瑁也棄之不足惜不擊不損厥其人譬猶魚鱉何足貪

也臣竊以往者羌軍言之暴帥曾不一年兵出不踰千里費四十餘萬大司農錢盡乃以少府禁錢續之夫一隅為不善費尚如此况於勞師遠攻亡士無功乎求之往古則不合施之當今又不便臣愚以為非冠帶之國禹貢所及春秋所理皆可且無以為至初元三年遂罷之凡二郡六十五部凡交趾所統雖置郡縣而言語各異重譯乃通人如禽獸長幼無別項髮徒跣為髮於項上以布貫頭而着之後頗徙中國罪人使雜居其間乃稍知言語漸見禮化光武中興錫光為交趾任延守交趾九真交趾九真並今之地於是教其耕稼制為冠履初設媒娉始知

姻娶建立學校導之禮儀建武十六年交趾女子徵側

及其妹徵貳反攻郡徵側者麓泠縣維將之女也麓音

承化郡地嫁為朱鳶人妻素負其雄勇漢朱鳶今安南府縣交趾太守

蘇定以法糾之側忿故反於是九真日南合浦蠻俚皆

應之凡畧六十五城自立為王交趾刺史及諸太守僅

得自守十八年遣伏波將軍馬援樓船將軍段志發長

沙今長沙郡衡陽郡地桂陽今桂陽連山郡地零陵今零陵江華郡地蒼梧今蒙山開

江蒼梧潯江郡地兵萬餘人討之明年夏四月援破交趾斬徵

側徵貳等餘皆降散進擊九真賊都陽等破降之徙其

渠帥三百餘口於零陵嶺表悉平章帝元和初日南徼

外蠻夷究不事人

蠻夷別號

邑豪獻生犀白雉永光中日南

象林

在今南郡界

蠻夷二千餘人寇掠百姓於是置象

林將兵長史以防其患順帝永和二年日南象林邑徼

外蠻夷區憐等數千人攻象林縣燒城寺殺長吏州郡

并力討之不利帝召公卿百官及四府掾屬

太尉司馬司空大將

軍問其方畧皆議遣荆

今南陽江陵江夏安陸揚南淮

陵等郡江南丹陽等

兗今陳留許昌東平荆河今潁川

陽睢陽汝陰等郡

四萬兵赴之大將軍從事中郎李固駁曰若

荆揚無事發之可也今二州盜賊盤結不散而復擾動

必更生患又兗州荆河之人遠赴萬里詔書迫促必致

叛亡軍行三十里為程而去日南九千餘里三百日乃

到計人廩五升

古升小故曰五升

用米六十萬斛不計將吏驢

馬之食但負甲自致費便若此九真日南相去千里發

其吏人猶尚不堪何況以四州之卒赴萬里之艱哉前

中郎將尹就討益州叛羌益州諺曰虜來尚可尹來殺

我後就徵還以兵付刺史張喬因其將吏旬月之間破

殄寇虜此發將無益之效州郡可任之驗也宜更選有

勇畧仁惠任將帥者以為刺史太守悉使往止交趾府

下時刺史理廣信今

今日南兵單無穀守則不足戰又

不能可一切徙其吏人北依交趾事靜之後乃令歸本

還募蠻夷使自相攻有能反間致投首者許以封侯裂
土之賞故并州刺史長沙祝良性多勇決又南陽張喬
前在益州有破虜之功皆可任用昔文帝就加魏尚為
雲中哀帝即拜龔舍為大山今宜即拜良等便道之官
於是拜祝良為九真太守張喬為交趾刺史喬良至單
車入賊地設方畧招以威信嶺外復平其後屢為反叛
州郡兵討降之至靈帝建寧三年鬱林今郡太守谷永以
恩信招降烏儻人十餘萬內屬皆受冠帶開置七縣然
自漢以後列置州縣獠俗難理率數歲一亂終不足為
大患大歷中循州刺史哥舒晃據廣州反詔戶部尚書
路冀公嗣恭討之晃率其徒拒守凡三歲而滅

海南序畧

海南諸國漢時通焉大抵在交州南及西南居大海中
洲上相去或五三百里五三千里遠者二三萬里乘船
舉帆道里不可詳知外國諸書雖言里數又非定實也
其西與諸胡國接元鼎中遣伏波將軍路博德開百越
置日南郡其徼外諸國自武帝以來皆獻見後漢桓帝
時大秦天竺皆由此道遣使貢獻及吳孫權遣宣化從
事朱應中郎康泰使諸國其所經及傳聞則有百數十
國因立記傳晉代通中國者蓋尠及宋齊至者有十餘
國自梁武隋煬諸國使至踰於前代大唐貞觀以後聲

教遠被自古未通者重譯而至又多於梁隋焉其無異
聞亦不復更記

黃支

黃支國漢時通焉在南海日南之南三萬里俗畧與珠
崖相類自武帝以來皆獻見有明珠玉璧琉璃奇石異
物大珠至圍二寸以下而至圓者置之平地終日不停

哥羅

哥羅國漢時聞焉在槃槃東南亦曰哥羅富沙羅國云
其王姓矢利婆羅名米失鉢羅其理城累石爲之城有
樓闕門有禁衛宮室覆之以草國有二十四州而無縣

庭列儀仗有纛以孔雀羽飾焉兵器有弓箭刀稍皮甲
征伐皆乘象一隊有象百頭每象有百人衛之象鞍有
鈎欄其中有四人一人執稍一人執弓矢一人執笏一
人執刀賦稅人出銀一銖國無蠶絲麻紵唯出古貝布
畜有牛少馬其俗非有官者不得上髮裹頭又嫁娶初
問婚惟以檳榔爲禮多者至二百盤成婚之時唯以黃
金爲財多者至二百兩婦人嫁訖則從夫姓音樂有琵琶
橫笛銅鈸鐵鼓簧吹蠡擊鼓死亡則焚屍盛以金罌
沉之大海

林邑

林邑國秦象郡林邑縣地漢為象林縣屬日南郡古越
 裳之界也在交趾南海行三千里其地縱廣可六百里
 去日南界四百餘里其南水步道二千餘里有西屠夷
 亦稱王焉馬援所植兩銅柱表漢界柱處馬援北還留
 十餘戶於銅
 柱處至隋有三百餘戶悉姓馬土人以為流寓號曰馬
 流人銅柱尋沒馬流人常識其處林邑國記馬援樹兩
 銅柱於象林南界與西屠國分漢之南境又云銅柱山
 周十里形如倚蓋西跨重岩東臨大海屈璆道里記又
 云林邑大浦口後漢末大亂縣功曹姓區有子曰連殺
 有五銅柱焉

縣令自號為王子孫相承吳時通使其後王無嗣外孫
 范熊代立熊死子逸代立其國有金山石皆赤色其中
 生金金夜則出飛狀如螢火又出瑇瑁貝齒古貝沉木
 香古貝者樹名也其華成時如鷲毳抽以績紡作布潔
 白與紵布不殊亦染成五色織為斑布也沉木香土人
 破斷之積以歲年朽爛而心節獨在置水中則沉故名
 曰沉香次不沉者曰棧香也又出猩猩獸爾雅云肉之
 美者猩猩之
 唇多琥珀松脂淪入地千歲為茯苓又千歲為琥珀又
 云楓脂為之琥珀在地其上及旁不生草木深者或八
 九尺大如斛削去皮成焉初如桃膠凝成乃堅其金寶
 物產大抵與交趾同以磚為城蜃灰塗之居處為閣名
 曰干闥皆開北戶以向日或東西無定尊官有二其一
 曰西郡婆帝其二曰薩婆地歌其屬官三等其一倫多

姓次歌倫致帝次乙地伽蘭外官分爲二百餘部其長
官曰弗羅次曰阿倫如牧宰之差也書樹葉爲紙施柳
葉爲席男女皆以橫幅古貝繞腰以下謂之干漫亦曰
都漫穿耳貫小環貴者著革履賤者跣行自林邑扶南
諸國皆然也其王戴金花冠形如章甫加瓔珞出則乘
象吹螺擊鼓罩古貝繖以古貝爲幡旗國不設刑法有
罪者使象蹋殺之林邑浦外有不勞山罪人亦送此山
令其自死其大姓號婆羅門嫁娶必用八月女先求男
由貴男而賤女也同姓還相婚姻人性凶悍果於戰鬪
有弓箭刀槊以竹爲弓樂有琴笛琵琶五絃頗與中國

同每擊鼓以警衆吹蠡以節戎其人深目高鼻髮拳色
黑婦人椎髻四時暄暖無霜雪王死七日而葬有官三
日庶人一日皆以函盛屍鼓舞導從輦至水次積薪焚
之收餘骨王則入金甕中沉之於海有官者以銅沉之
海口庶人以瓦送之於江男女截髮隨喪至水次盡哀
而止其寡婦孤居散髮至老人皆奉釋法文字同於天
竺王事尼乾道鑄金銀人像大十圍至晉武帝太康中
又來貢獻成帝咸康二年范逸死奴文篡位奴文昔嘗
北至洛陽商貨因教王作宮室兵車器械王愛信之使
爲將乃譖王諸子或徙或奔及王死無嗣遂自立爲王

乃攻旁國并之有衆四五萬至穆帝永和三年文率其

衆攻陷日南今郡遂據其地告交州刺史朱蕃交州今

以求日南北鄙今郡橫山爲界初徼外諸國常齎寶物

自海路來貿貨賄而交州刺史日南太守多貪利侵侮

十折二三由是諸國怨憤且林邑少田故貪日南之地

文又襲九真今郡害士庶十八九文死子佛立猶屯日

南九真太守灌遂率兵討佛走之遂追至林邑時五月

立表日在表北影在表南九寸一分自北影之南故開

北戶以向日此大較也佛乃請降其後頻寇日南九德

之郡今安南日南郡界殺傷甚多交州遂至虛弱至佛曾孫文

敵後爲扶南王子當根純所殺大臣范諸農平其亂而

自立爲王死子陽邁立死其子咄復名曰陽邁初其父

始產夢人以金籍之夷人謂金比宋文帝元嘉中侵暴

日南九德諸郡宋九德郡今安南日南郡界宋使振武將軍宗元幹

討之尅林邑陽邁父子並挺身奔逃所獲珍異皆是未

名之寶又銷其金人得黃金數十萬斤其後累代自宋

齊梁陳皆遣使朝貢隋文帝既平陳後遣大將軍劉方

率步騎萬餘擊之其王梵志率其徒乘象而戰方多掘

小坑草覆其上因以兵挑之梵志率衆而陣方僞北走

梵志逐之其象多陷轉相警駭軍遂亂方縱兵擊大破

之遂棄城而走方入其都獲其廟主十八枚皆鑄金爲之蓋有其國十八葉矣方既平其國班師故地遂空梵志收拾遺人別建國邑至大唐貞觀中其王范頭利死率國人共立頭利女爲王諸葛地者頭利之姑子女王獨在國中不寧大臣可倫翁定乃立地爲王妻之以女主其國乃定諸葛地自立後遣使可倫因地盤獻火珠形如水精日正午時以珠承影取艾衣之火見云得之於羅刹國今之環王國主卽梵志之後在日南郡西陸行二十餘日方至

扶南

扶南國在日南郡之南海西大島中去日南可七千里

在林邑西南三千餘里其境廣袤三千餘里國俗本裸文身被髮裸郎果反不制衣裳其先有女爲王號曰柳葉年少壯健有似男子其南有激國人名混潰來伐柳葉降之遂以爲妻惡其裸露形體乃穿疊布貫其首理其國子孫相傳至王混盤况死國人立其大將范師蔓爲王蔓勇健有權畧以兵威伐旁國咸服屬之自號扶南大王開地五六千里蔓死國亂大將范尋自立爲王是吳晉時也土地坳下而平博氣候風俗物產大較與林邑同有城邑宮室國王居重閣以木柵爲城海邊生大若葉長八九尺編其葉以覆屋國人亦爲閣居爲船八九

丈廣纔六七尺頭尾似魚國王行乘象人皆醜黑拳髮
裸身跣行耕種爲務一歲種三歲穫又好雕文刻鏤食
器多以銀爲之出金鋼可以刻玉狀似紫石英其所生
乃在百丈水底盤石上如鍾乳人沒水取之竟日乃出
以鐵鎚之而不傷鐵乃自損以殺羊角扣之漉然冰泮
貢賦以金銀珠香亦有書記府庫文字類胡吳時遣康
泰朱應使於尋國國人猶裸唯婦人著箕頭泰應謂曰
國中實佳但人褻露可怪耳尋始令國內男子著橫幅
今干漫也大家乃截錦爲之貧者以布又有老鵬入海
爲玳可以裁作馬勒謂之玳西晉太始太康中皆遣使

貢獻東晉時有竺旃檀稱王亦遣使其後王姓矯陳如
本天竺婆羅門也有神語曰應王扶南矯陳如南至盤
盤扶南人聞之迎而立焉復改制度用天竺法令其國
人居不穿井數十家共一池引汲之俗事天神以銅爲
像二面者四手四面者八手手各有所持或小兒或鳥
獸或日月王坐則偏踞翹膝垂左膝至地以白疊敷前
設金盆香爐於其上居喪則削除鬢髮人無禮義男女
恣其奔隨宋齊梁並獻方物隋時其國王姓古龍諸國
多姓古龍訊耆老言崑崙無姓氏乃崑崙之訛隋代遣
使貢獻大唐武德後亦頻來貢貞觀中又獻白頭國之

人於洛陽其國在扶南之西在叅半之西南男女生皆素首身又疑白居易山洞之中四面巖峻故人莫至與叅半國相接

頓遜

頓遜國梁時聞焉

一曰典遜

在海崎山上地方千里王並羈

屬扶南北去扶南可三千餘里其國之東界通交州其西界接天竺安息徼外諸國賈人多至其國市焉所以然頓遜迴入海中千餘里漲海無涯岸船未曾得逕過也其市東西交會日有萬餘人珍物寶貨無種不有又有酒樹似安石榴採其花汁停酒甕中數日成酒出藿

杳插枝便生葉如都梁以裛衣國有區撥等花十餘種冬夏不衰日載數十車貨之其花燥更芬馥亦未爲粉以傅身焉其俗又多鳥葬將死親賓歌舞於郭外有鳥如鵝口鸚鵡而紅色飛來萬許家人避之鳥食肉盡乃去燒其骨沉海以爲上行人也必生天鳥若迴翔不食其人乃自悲復以爲已有穢更就火葬以爲次行也若不能生入火又不被鳥食以爲下行也

毗騫

毗騫國梁時聞焉在頓遜之外大海洲中去扶南八千里傳其王身長丈二尺頭長三尺自古來不死莫知其

年其王神聖知將來事南方號曰長頭王國俗有室屋衣服噉粳米其人言語小異扶南國不受估客有往者亦殺而噉之是以商旅不敢至王常樓居不血食不事神鬼其子孫死如常人又傳扶南東界卽漲海海中有大洲洲上有諸薄國國東有馬五洲復東行漲海千餘里有燃火洲其上有樹生火中洲左近人剝取其皮紡績作布極得數尺以爲手巾與蕉麻無異而色微青黑若小有垢汙則投火復更精潔

干陀利

干陀利國梁時通焉在南海洲上其俗與林邑扶南畧

同出斑布古貝檳榔特精好爲諸國之極武帝天監中遣使貢方物

浪牙修

浪牙修國梁時通焉在南海中其界東西三十日南北二十日行北去廣州二萬四千里其土氣物產與扶南畧同偏多棧沉婆律等香其俗男女皆袒而披髮以古貝布爲干漫其王及貴臣乃加雲霞布覆髀以金繩爲絡帶金環貫耳女子則披布以瓔珞繞身其國累博爲城重門樓閣王出乘象有旛旄旗鼓罩白蓋兵衛甚設武帝天監中遣使獻方物其使云立國以來四百餘年

婆利

婆利國梁時通焉在廣州東南海中洲上自交趾浮海
南過赤土丹丹國乃至其國去廣州二月日行國界東
西五十日行南北二十日行有百三十六聚土氣暑熱
如中國之盛夏穀一歲再熟草木常榮海出文螺紫貝
有石名蚶火談反貝羅初採之柔軟刻削為物暴乾之遂
堅硬有鳥名舍利解人語其國人皆黑色穿耳附璫披
古貝如屮及為都漫王乃用斑絲者以瓔珞繞身頭著
金長冠高尺餘形如弁綴以七寶之飾帶金裝劍坐金
高坐以銀燈支足侍女皆為金花雜寶之飾或持白毳

拂及孔雀王出以象駕輿施羽蓋珠簾其導從吹螺擊
鼓國人善投輪刃其大如鏡中有竅外鋒如鋸遠以投
人無不中其餘兵器與中國畧同俗類真蠟物產同於
林邑王姓矯陳如自古未通中國武帝天監中來貢隋
大業中又遣使貢獻其王姓利利耶伽大唐貞觀中又
遣使朝貢

槃槃

槃槃國梁時通焉在南海大洲中北與林邑隔小海自
交州船行四十日至其國其王曰楊栗翬音翬栗翬父曰
楊德武以上無得而紀百姓多緣水而居國無城皆豎

乾隆十二年校刊

通鑑卷六 邊防四

十九

木爲柵王坐金龍牀每坐諸大人皆兩手交抱肩而跪
暨几又其國多婆羅門自天竺來就王乞財物王甚重
之其大臣曰敦郎索濫次曰崑崙帝也次曰崑崙教和
胡卧次曰崑崙教帝索甘且其言崑崙古龍聲相近故
或有謂爲古龍者其在外城者曰那延猶中夏刺史縣
令其矢多以石爲鏃稍則以鐵爲刃有僧尼寺十所僧
尼讀佛經皆食肉而不飲酒亦有道士寺一所道士不
食酒肉讀阿修羅王經其國不甚重之俗皆呼僧爲比
邱呼道士爲貪隋大業中亦遣使朝貢

赤土

赤土國隋時通焉扶南之別種也直崖州之南渡海水
行便風十餘日經鷄籠島至其國所都土色多赤以爲
號東波羅利國西羅婆國南訶羅且國北拒大海地方
數千里王姓瞿曇氏名利富多室不知有國近遠居僧
祇城亦曰師子城有門三重相去各百許步王宮諸屋
悉是重閣北面而坐三重榻衣初霞布冠金花冠垂雜
寶瓔珞王榻後作一木龕以金或以五香木雜鈿之龕後
懸一金光焰遠視如項後其官皆陀伽羅一人陀拏拏女
除達义三人迦利蜜迦三人共掌政事俱羅末帝一人
掌刑法每城置那耶迦一人鉢帝一人其俗皆穿耳剪

髮無跪拜之禮以香油塗身俗敬佛尤重婆羅門婦人
作髻於項後男女通以朝霞朝雲雜色布衣豪富之室
恣意華靡唯金鑲非王賜不得服用冬夏常溫雨多霽
少種植無時特宜稻稌音祭白豆音麻自餘物產多同於
交趾以甘蔗作酒雜以紫瓜根音有雙六鷄卜冬至之
日影直在下夏至日影在南戶音北北向煬帝時募能通
絕域大業三年屯田主事常駿音虞部主事王君正等應
召駿等自南海郡乘舟晝夜二年每值便風至焦石山
而過東南泊陵伽鉢拔多洲西與林邑相對上有神祠
焉又南行至師子石是島嶼連音又行二三日西見狼

牙修國之山於是南達雞籠音至於赤土之界月餘至
其國都駿等奉詔書上閤王以下至皆坐宣詔訖引駿
等入宴王前設兩牀上並設草葉盤方丈五尺上有黃
白紫赤四色之飴牛羊魚鱉猪瑇瑁之肉百餘品延駿
升牀從者坐於地席及還遣那耶迦隨駿貢方物既入
海見綠魚羣飛水上浮海十餘日至林邑東南並山而
行並音蒲浪反其海水濶千餘步色黃氣腥舟行十日不絕
云是大魚糞也循海北岸連於交趾六年却還到中國
焉

真臘

真臘國隋時通焉在林邑西南本扶南之屬也去日南郡舟行六十日而至南接車渠國西有朱江國王姓刹利自其祖漸以強盛至其王質多斯那遂兼扶南而有之死子伊奢那先代立大業中遣使朝貢居於伊奢那城郭下二萬餘家城中有大堂是其王聽政之所大城三十所城有數千家各有部帥官名與林邑同其王坐五香七寶牀施寶帳以文本爲竿象牙鈿爲壁狀如小屋懸金光焰有同於赤土有五大臣及諸小臣朝於王者輒於階下三稽首王與上階則跪以兩手抱膊遶王環坐議政事訖跪伏而去其國與叅半朱江二國和親

數與林邑陀洹二國戰爭王初立之日所有兄弟並刑殘之或去一指或劓其鼻別處供給不得仕進人形小而色黑婦人亦有白者悉拳髮垂耳性氣捷勁居處器物頗類赤土以右手爲淨左手爲穢飲食多酥酪沙糖杭米餅欲食之時先取雜肉羹與飯相和手揣而食之其國北多山阜南有水澤地氣尤熱有娑那婆樹無花葉似柿實似冬瓜菴羅樹花葉似棗實似李毗野樹花似木瓜葉似杏實似楮婆田羅樹花葉實並似棗而小異歌畢佗樹花似李葉似榆而厚大實似李其大如升自餘多同九真海中有魚名建同四足無鱗其鼻如象

吸水上噴高五十尺有浮湖魚其形似鮠背如鸚鵡有八足多大魚半身出水觀之如山每五六月中毒氣流行卽以白豬白羊於城西門外祠之不然五穀不登六畜多死人衆疾疫東有神名婆多利祭用人肉其年王別殺人以夜祠禱有守衛者千人其敬鬼神如此多奉佛法尤信道士佛及道士立像於館大唐武德六年遣使獻方物

羅刹

羅刹國在婆利之東其人極陋朱髮黑身獸牙鷹爪時與林邑人作市輒以夜晝日則掩其面隋煬帝大業三年遣使常駿等使赤土國至羅刹

投和

投和國隋時聞焉在海南大洲中真臘之南自廣州西南水行百日至其國王姓投和羅名脯邪乞遙理數城覆屋以瓦並爲閣而居屋壁皆以彩畫之城內皆王官室城外人居可萬餘家王宿衛之士百餘人每臨朝則衣朝霞冠金冠耳掛金環頸掛金涎衣涎叙連反足履寶裝皮履官屬有朝請將軍總知國政又有叅軍功曹主簿城局金威將軍贊理贊府等官分理文武又有州及郡縣州有叅軍郡有金威將軍縣有城局其爲長官初至

各選官僚助理政事刑法盜賊重者死輕者穿耳及鼻并鑽鬢私鑄銀錢者截腕國無賦稅俱隨意供奉無多少之限多以農商為業國人乘象及馬一國之中馬不過千匹又無鞍轡唯以繩穿頰為之節制音樂則吹蠡擊鼓死喪則祠祀哭泣又焚屍以嬰盛之沉於水中若父母之喪則截髮為孝其國市六所貿易皆用銀錢小如榆莢有佛道有學字文字與中夏不同訊其耆老云王無姓名齊杖摩其屋以草覆之王所坐塔圓似佛塔以金飾之門皆東開坐亦東向大唐貞觀遣使奉表以金函盛之又獻金榼苦蓋反金鎖寶帶犀象海物等數十

品

丹丹

丹丹國隋時聞焉在多羅磨國北振州東南 振州今延德郡 珠崖同 王姓利利名尸陵伽理可二萬餘家亦置州縣以相統領王每晨夕二時臨其大臣八人號曰八座並以婆羅門為之王每以香初塗身冠通天冠掛雜寶嬰珞身衣朝霞足履皮屨近心乘輿遠則馭象其攻伐則吹蠡擊鼓兼有幡旗其刑以盜賊無多少皆殺之土出金銀白檀蘇方木檳榔其地唯稻畜有沙牛殺羊猪雞鴨鳴鹿鳥有越鳥孔雀力果反有蒲桃石榴

乾隆十二年校刊

邊防四

瓜瓠菱蓮菜有葱蒜蔓青

邊斗

邊斗國一云班斗都昆國一云都軍拘利國一云九離比嵩國並隋時

聞焉扶南度金隣大灣南行三千里有此四國其農作與金隣同其人多白色都昆出好棧香藿香及流黃其藿香樹生千歲根本甚大伐之四五年木皆朽敗唯中節堅固芬香獨存取以為香

杜薄

杜薄國隋時聞焉在扶南東漲海中直海渡數十日而至其國人貌白皙皆有衣服國有稻田女子作白疊華

布出金銀鐵以金為錢出鷄舌香可含以香不入衣服鷄舌其為木也氣辛而性厲禽獸不能至故未有識其樹者華熟自零隨水而出方得之杜薄洲有十餘國城皆稱王

薄刺

薄刺國隋時聞焉在拘利南海灣中其人色黑而齒白眼睛赤男女並無衣服

敦焚

敦焚洲抱朴子云敦焚洲在南海中薰綠水膠所出膠如楓脂所以不可多得者止患狃狃上音吉下音屈獸啖人此

獸大者重十斤狀如水獺其頭身及他處了無毛唯從鼻上以竟脊至尾上有毛廣一寸許青毛長三四分許其無毛處則如韋囊人張捕得之斬刺不傷積薪烈火縛以投火中薪盡而此獸不焦須以六杖打之皮不傷而骨碎都盡乃死耳

火山

火山國隋時聞焉去諸薄東五千里國中皆有火雖雨不熄中山有白鼠扶南土俗傳云火洲在馬五洲之東可千餘里春月霖雨雨止則火燃洲上林木得雨則皮黑得火則皮白諸左右洲人以春月取其木皮績以爲

布或作澄注布若小穢投之火中復潔又有加營國北諸薄國西山周三百里從四月火生正月火滅火燃則草木葉落如中國寒時人以三月至此山取木皮績爲火浣布

無論

無論國隋時聞焉在扶南西二千餘里其國大道左右夾種枇杷樹及諸華果行其下常有重陰十里一亭亭皆有井食麥飯飲蒲桃酒如膠若飲卽以水和之味甚甘美

婆登

婆登國在林邑南海行二月東與訶陵西與迷黎車接
北隣大海風俗與訶陵同種稻每月一熟有文字書於
貝多葉其死者口實以金又以金釧貫於四支然後加
以婆律膏及檀沉龍腦等香積薪以燔之大唐貞觀二
十一年遣使朝貢

烏篤

烏篤國在中天竺南一名烏伏那地方五千餘里百姓
殷實人性懦弱頗詭詐尤工禁術篤信佛法文字禮儀
畧同天竺自古不通中國大唐貞觀中其王達摩因陀
訶斯遣使獻龍腦香

陀洹

陀洹國在墮和羅西北大唐貞觀中遣使獻鸚鵡毛羽
皓素頭上有紅色數十莖與翅齊

訶陵

訶陵國去真臘之南大唐貞觀中遣使獻金花等物王
之所居豎木爲城造大屋重閣覆以椳欄所座牀悉以
象牙爲之食以手環之環古患反又以椰樹花爲酒飲之亦
醉有山穴每涌而出鹽國人取之以食其國別有毒人
與常人同止宿則令身上生瘡與之交合便卽致死若
涎液濡著草木卽枯其人身死不爛不臭

多茂

多茂國大唐貞觀中通焉在南海邊界周廻可一月行南阻大海西俱游國北波刺國東隋洹國戶口極多置三十州不役屬他國有城郭宮殿樓櫓並用瓦木以十二月爲歲首其物產有金銀銅鐵象牙犀角朝霞朝雲其俗交易用金銀朝霞等衣服百姓二十而稅一五穀蔬菜與中國不殊

多摩長

多摩長國居於海島東與婆鳳西與多隆南與羊支跋華言五山也北與訶陵等國接其國界東西可一月行

南北可二十五日行其王之先龍子也名骨利骨利得大鳥卵剖之得一女子容色殊妙卽以爲妻其王尸羅劬傭伊說卽其後也大唐顯慶中遣使貢獻其俗無姓王居以柵爲城以板爲屋坐獅子座東向衣物與林邑同勝兵二萬餘人無馬有弓刀甲稍婚姻無同姓之別其食器有銅鐵金銀所食尚酥乳酪沙糖石蜜其家畜有殺羊水牛野獸有麀鹿等死亡無喪服之制以火焚其屍其音樂畧同天竺有波那婆宅護遮菴磨石榴等果多甘蔗從其國經薩盧都思訶盧君那盧林邑等國達於交州

乾隆十二年校刊

通志卷之六 邊防四

三八

哥羅舍分

哥羅舍分在南海之南其國地接墮和羅國勝兵二萬人其王滿越伽摩大唐顯慶五年遣使朝貢

通典卷第一百八十八

通典卷第一百八十九

唐 京 兆 杜 佑 君 卿 纂

邊防五

西戎一

序略

西羌本出三苗蓋姜姓也其國近衡山今長沙衡陽零陵江華等郡地

及舜徙之三危三危山今在燉煌縣界漢金城之西南羌地是

也今金城會寧安鄉西濱於賜支續漢書曰河關西可

之賜支蓋析支也接漢河關縣屬金城郡則今安鄉郡

也其賜支在其西又按風俗通云羌者其先本戎賤主

牧羊故羌至於河首縣地千里南接蜀漢徼外蠻夷西

字從羊

乾隆十二年校刊

邊防五

北鄙善車師諸國所居無常依隨水草地少五穀產牧為業其俗氏族無定或以父名母姓為種號妻後母納

娶嫂娶音離如北狄之俗故國無鰥寡種類繁熾廣志云羌與北

狄同其人魯鈍饒妻妾多子姓一人生子數十或至百

人嫁女得高貲者聘至百犢女披大華氊以為盛服一

狗皮直自古不立君臣無相統一強則分種為酋豪弱

則為人附落更相抄掠以力為雄殺人償死無他禁令

其兵長在山谷短於平地不能持久而果於觸突以戰

死為吉利病終為不祥甚耐寒苦同之禽獸昔夏啓之

子太康失國四夷背叛及后相立乃征畎夷即犬戎也夷者四蕃

之總七年然後來賓至於后泄始加爵命由是服從泄

八代孫帝后桀之亂畎夷入居邠岐之間邠今新平郡岐今扶風郡

成湯既興伐而攘之及殷室中衰諸戎皆叛至於武丁

征西戎鬼方克之武丁高宗易曰高宗伐鬼方也後漢

乃克故其詩曰自彼氐羌莫敢不來王言因高宗討伐

然後氏羌朝享按商頌曰捷彼殷武奮伐荆楚采入其

阻哀荆之旅言殷道衰荆楚背叛高宗能出兵伐之美

其功也又曰惟汝荆楚居國南鄉昔有成湯自彼氐羌

莫敢不來享莫敢不來王言成湯之時遠夷西方氐羌

之國皆來朝見汝居中國之南方乃背叛乎此責之之

辭非謂高宗時氐羌也時高宗亦伐荆楚蔚宗不詳謂

引此詩以附合也又按竹書周王季伐鬼方開通西域則

章帝紀有司述明帝功德又云鬼陰類鬼方即北方斯乃臆斷

鬼方疑是西羌也或云鬼陰類鬼方即北方斯乃臆斷

諸家因謂之及武乙暴虐犬戎寇邊周公踰梁山今在

乾隆十二年校刊

邊防五

紀年曰武乙三十五年自是之後更伐始呼騶徒之戎

周王季伐西落鬼戎竹書紀年曰太丁七年周人及武王伐商羌髡

皆克之伐始呼之戎捷其三大夫也率師髡音會於牧野至穆王時戎狄不貢王乃西征犬

戎獲其五王遂遷戎於太原夷王衰弱及宣王立召秦

莊公與兵伐破之其後侵盜不已至幽王昏虐西戎寇

周殺幽王於酈山酈山今京兆府界周乃東遷洛邑及平王之

末周遂陵遲戎逼諸夏至隴山以東及乎伊洛往往有

戎於是渭首有狄獬邽冀之戎狄獬邽並今隴西郡邽冀

音涇北有義渠之戎今安化郡地洛川有大荔之戎今洛交

渭南有驪戎今昭應縣伊洛間有楊拒泉臯之戎今洛交洛以

西有蠻氏之戎今潁川郡地間在中國與諸夏盟會後晉滅

驪戎今昭應縣是時伊洛戎強東侵曹魯襄王時秦晉自瓜

州今燉煌晉昌郡地遷陸渾之戎於伊川允姓之戎遷於渭汭

允姓陰戎之祖與三苗俱放三危卽瓜州也至襄王時

魯僖公之二十一年秦晉遷陸渾之戎於伊川本在秦

晉西北二國誘而徙之遂從戎號至今為陸渾縣焉水

口曰汭今京兆府北新平彭原之間一云汭在新平宜

祿縣亦有東至轅轅今河南府陽翟縣界在河南山北者號曰陰

戎河南山北自今上洛郡以東至陸渾秦穆公得戎人由余遂霸西戎開

地千里由余其先晉人亡入戎及晉悼公又使魏絳和諸戎復修

霸業其後陰戎之種遂以滋廣與晉伐周左傳魯昭公九年晉大夫

梁丙率陰戎以伐潁潁周邑陰戎卽陸渾戎也景王使

詹桓伯責晉平公曰允姓之姦居於瓜州伯父惠公歸

乾隆十二年校刊

邊防五

自秦而誘以來使僞我諸姬入後陸渾戎叛晉荀吳我郊甸戎有中國晉之咎也

滅之後楚執蠻氏而盡囚其人至周貞王八年秦厲公

滅大荔取其地趙亦滅北戎韓魏後稍并伊洛諸戎滅

之其遣脫者皆走西踰汧隴自是中國無戎寇唯餘義

渠種最為強盛屢為秦患及昭王起兵滅之始置隴西

今天水隴西金城會寧北地今安定彭原安化平源靈安鄉河池和政等郡地

上郡焉今上郡洛交銀川新秦朔方中部延安咸寧等

侯伯征伐有功天子爵之以為蕃服春秋時陸渾蠻丘戎稱子戰國時大荔義渠稱王及其衰亡餘種皆反舊

為會始皇兵務東向故得繁息秦平天下蒙恬西逐諸

羌出塞漢初尚微弱景帝時研種求徒於狄道安故今

城郡武帝又西逐渡河湟初開河西置四郡今武威張掖酒泉燉

煌等郡地其後先零種圍枹罕今安鄉郡縣零音怡枹音仔漢兵擊平之

始置護羌校尉至宣帝代又寇金城今金城會寧西平安鄉等郡地趙

充國立屯田且討且招降者三萬餘人置金城屬國以

處之自後賓服後漢光武建武中初寇金城馬援討破

降之徙七千口於三輔今京兆馮翊扶風沂陽等郡地和帝以後又反

叛豪滇零稱天子南入益州今漢川漢中等郡地東犯魏趙今趙魏鄴

等郡地寇及雍城今河內郡北故城也十餘年然後破散順帝永和

中又叛漢將馬賢戰歿後段熲窮討及靈帝末方始平

定自光武以後匈奴少事唯西羌屢梗焉魏晉二代時

亂關隴不至大傷害永嘉以後吐谷渾興焉本遼東鮮
卑晉時數百戶西附於陰山屬晉亂遂吞并諸羌而有
其地至其孫葉延遂爲強國後魏末其主夸呂自號可
汗建官多效中國洎隋煬帝遣觀王雄大破之其主伏
允遠遜收其地列置郡縣鎮戍後轉衰弱大唐初吐蕃
始興焉其帥後魏末自臨松郡丞故其主有贊府之號
後魏臨松郡今張掖縣高宗時遂滅吐谷渾盡有其地將軍薛
仁貴等大敗於大非川俄鳳中工部尚書劉審禮又率
兵十八萬敗歿於青海湖露中中書令李敬元又大敗
於大非川武太后如意王孝傑方大破之始復龜茲

等鎮萬歲通天初又寇梁州都督許欽明戰歿因贊府
殺其名將諸欽陵之後累破敗遂劣於曩時矣

羌無弋

羌無弋爰劍者秦厲公時爲秦所拘執以爲奴隸不知
爰劍何戎之別種也後得亡歸而秦人追之藏於巖穴
中得免與劓女遇合於野女恥其狀披髮覆面羌人因
以爲俗遂俱亡入三河間三河間卽黃河析支河湟中
河今金城隴西安鄉郡之西
南諸羌共畏事之推以爲豪以射獵爲事爰劍教之田
畜種人依之者益衆羌人謂奴爲無弋以爰劍嘗爲奴
隸故因名之其後世世爲豪至爰劍曾孫忍時秦獻公

初立欲復穆公之迹穆公霸有西戎今欲復恐季父印畏秦之威

將其衆種人附落而南出析支河曲西數千里與諸羌

絕遠不復交通其後子孫分別各自為種任隨所之或

為犛牛種越嶲羌是也今越嶲地或為白馬種廣漢羌是也

今梓潼遂寧以西德陽郡地或為參狼種武都羌是也今武都郡恐及弟

舞獨留湟中恐生九子為九種舞生十七子為十七種

羌之典盛從此起矣及恐子研立研豪健故羌中號其

後為研種秦始皇時兵務東向故種人得以繁息秦既

兼天下使蒙恬將兵畧地西逐諸戎北却衆狄築長城

以界之至漢景帝時研種留何率種人求守隴西塞今天

水隴西等郡地於是徙留何等於狄道安故至臨洮氏道羌道

並今隴西金城安鄉臨洮等郡及武帝征伐四夷又西逐諸羌乃渡河

湟築令居塞在今西北初開河西列置四郡酒泉武威張掖燉煌

並今通道玉門隔絕羌胡於是鄯塞亭燧出長城外數

千里時先零羌與封養牢姐種解仇結盟姐音紫與匈奴

通合兵十餘萬共攻令居安故今金城郡地遂圍枹罕漢遣

將軍李息將兵討平之始置護羌校尉統領焉羌乃去

湟中依西海鹽池之左右今酒泉郡之北漢遂因山為

塞河西地空稍徙人以實之至宣帝時諸羌又相解仇

寇攻金城帝遣後將軍趙充國將兵討之充國欲以屯

田於臨羌東至浩亶

浩亶縣即今金城郡廣武縣地浩音閭亶音門臨羌縣在西平郡界

務威信招降罕开及劫掠者解散虜謀乃擊之

开音時牽

已發諸郡兵六萬人酒泉太守辛武賢奏言請即擊之

天子下書令充國博議往返者三四遂兩從其志武賢

出擊羌降破數千人詔罷兵獨充國留屯田明年五月

充國奏言羌本可五萬人軍凡斬首七千六百級降者

三萬一千二百人溺湟饑死者五六千人定計遺脫與

煎聶黃羝

並是羌種

俱亡者不過四千人初置金城屬國以

處降羌從爰劍種五世至研研最豪健自後以研為種

號十三世至燒當復豪健其子孫更以燒當為種號自

元帝以後數十年四夷賓服邊塞無事至王莽末豪真

真內侵

燒當元孫

及後漢初遂寇金城隴西司徒椽班彪上

言今涼州部郡

時涼州部除三輔外今安定平原郡之西天水隴西諸郡悉屬焉

皆有

降羌披髮左衽而與漢人雜處習俗既異言語不通數

為小吏黠人所見侵奪窮恚無聊故致反叛夫蠻夷寇

亂皆為此也請依舊制益州部

今漢川巴蜀川即當時益州是

置蠻夷

騎都尉幽州部

今范陽上谷安邊及漁陽北平即當時幽州

置領烏桓校尉

涼州部置護羌校尉皆持節領護理其怨結歲時循行

問所疾苦又數遣使驛通導動靜使塞外羌夷為吏耳

目州部因此可得傲備今宜復如舊以明威防光武從

之即以平郡為護羌校尉及郡卒而職省建武十一年

先零種寇臨洮今和政郡地隴西今隴西及金城郡南境地是太守馬援

破降之後徙置天水今郡地隴西扶風三郡今扶風汧陽新平等郡地

皆自燒當至滇良世居河北大允谷後徙大小榆中榆中

在今金城西由是始強至其子滇吾永平初漢遣中郎

將竇固等擊破降之徙七千口置三輔而滇吾諸弟迷

吾等數為寇盜章帝時馬防等討破之於臨洮索西迷

吾等悉降乃築索西城今和政郡界是自後或降或叛少有寧

歲和帝時迷吾子迷唐復將兵向塞金城守侯霸及諸

郡率師破之羌衆折傷種人瓦解迷唐遂孤弱不滿千

人遠踰賜支河首即析支河依發羌居明年安定降羌燒何

種脇諸種數百人反叛安定郡今安定平源會寧郡東境是郡兵擊滅之

時西海及大小榆左右無復羌寇隃麋相曹鳳上言隃麋

縣名在今汧陽郡界隃音俞西戎為害前世所患臣且以近事言之

自建武以來其犯法者常從燒當種起所以然者以其

居大小榆土地肥美又近塞內諸種易以為非難以攻

伐南得種存種存別種羌以廣其衆北阻大河因以為固又

有西海魚鹽之利緣山濱水以廣田畜故能强大常雄

諸種恃其權勇招誘諸胡今者衰困黨援壞沮親屬離

叛餘勝兵者不過數百流亡逃竄遠依發羌臣愚以為

乾隆十二年校刊

宜及此時建復西海郡縣

漢武帝逐諸羌置西海郡在今酒泉郡北千二百里欲復

立規固二榆廣設屯田隔塞羌胡交關之路遏絕狂狡

窺欲之源又植穀富邊省委輸之役國家可以無一方

之憂於是拜鳳為金城西部都尉將徙徙出屯龍耆

龍耆即龍支今西平郡縣後金城長史上官鴻開置歸義建成屯田二

十七部侯霸復上置東西部屯田五部

邯水名也分流左右在今寧塞郡增逢留二部帝皆從之列屯夾河合四十部其功垂

立至永初中諸郡羌叛乃罷迷唐失眾病死有一子來

降戶不滿數十滇吾曾孫麻奴初隨父東號降居安定

時諸降羌布在郡縣皆為吏人豪右所徭役積愁怨及

安帝永初九年麻奴兄弟因此遂與種人俱西出塞先

零別種歸浦濠滇零與種羌大為寇掠

任尚率諸郡兵與滇零等戰於平襄

於是滇零自稱天子於北地招集武都叅狼上郡西河

今西河銀川昌化郡諸雜眾遂大盛東犯趙魏南入益州遂寇鈔

三輔斷隴道湟中諸縣粟石萬錢百姓死亡不可勝數

諸郡屯兵救之三輔

羌乘勝漢兵數挫當煎勒姐種攻沒破羌縣

鍾羌又沒臨洮

詔任尚將吏兵還屯長安置京兆虎牙都尉於長安扶

乾隆十二年校刊

邊防五

風都尉於雍今扶風郡縣如西京三輔都尉故事至四年大

將軍鄧騭議欲棄涼州虞詡曰不可今羌所以不敢入

據三輔為腹心之害者以涼州在後故也其土人所以

摧鋒無反顧之心者為臣屬於漢故也若棄其境域徙

其人眾安土重遷必生異志如使雄豪相聚席卷而東

雖虎賁為卒白起太公為將亦恐不足禦當今之計者

宜令四府九卿各辟彼州數人其牧守令長子弟皆除

為冗官外以勸勵答其功勤內以拘致防其邪計誠能

如此則可無患於是四府皆從詡議時漢中太守鄭勤

戰死羌勢轉盛遂徙金城郡居襄武漢金城郡理元居縣地今郡廣武縣

漢襄武縣屬隴西縣地即今隴西郡縣是也羌眾入寇河東至河內百姓相

驚多南奔渡河使北軍中候朱寵將五營士屯孟津詔

魏郡今魏郡地趙國今趙郡地常山今郡地中山今博陵郡地繕作塢

堠六百一十六所羌既轉盛而二千石令長多內郡人

並無守戰意皆爭上徙郡縣以避寇難朝廷從之遂移

隴西徙襄武漢隴西郡理狄道縣地即今金城郡縣安定徙美陽漢安定郡理臨

涇縣地在今郡縣也漢美陽縣屬上郡徙衙漢上郡理

右扶風地在今京兆府三原縣百姓戀土不樂去舊遂乃刈

在今上郡龍泉縣漢衙縣屬左馮翊地今是白水縣

其禾稼發撤屋室夷營壁破積聚時連旱蝗饑荒而驅

賊劫掠流離分散隨道死亡咸棄老弱或為人僕妾喪

其大半滇零死子零昌立元初元年遣兵屯河內今郡地

通谷衝要三十五所皆作塢壁設鳴鼓零昌進兵寇雍

城今河內郡地遣任尚為十郎將將羽林緹騎五營子弟屯

三輔尚臨行懷令虞詡說尚曰懷縣今河內郡武陟縣地使君頻奉

國命討逐寇賊三州屯兵二十餘萬人棄農桑疲苦從

役而未有功效勞費日滋若此出不尅誠為使君危之

尚曰憂惶久矣詡曰兵法弱不攻強走不逐飛自然之

勢也今虜皆馬騎日行數百來如風雨去如絕弦以走

步追之勢不相及所以曠日而無功也為使君計者莫

若罷諸郡兵令出錢數千二十人共市一馬如此可捨

甲冑馳輕兵以萬騎之眾逐數千人之虜首尾掩截其

道自窮使人利事大功立矣尚即上言用其計乃遣輕

騎抄擊斬首數百級明年秋漢又築馮翊北界今馮翊之北洛

交以南塚塢五百所自後頻破之諸羌瓦解三輔益州益州

今洋州漢中等郡之地無復寇警自羌叛十餘年間兵連師老不

暫寧息軍旅之費轉運委輸用二百四十餘億府帑空

竭帑地延及內郡邊人死者不可勝數并涼二州遂至

虛耗并州部領上郡朔方五原西河太原雲中定襄鴈

川新秦朔方九原榆林西河昌化太原樓煩鴈門定襄

安邊馬邑雲中上黨樂平等郡地也按秦地除三輔屬

司隸外並自後隴西上郡武威張掖仍寇盜不息上郡屬涼州

乾隆十二年校刊

通鑑卷一百六 邊防五

十一

郡中部延安咸寧等郡地武威張掖並今郡地

上疏曰臣聞禹貢雍州之域厥田惟上上且沃野千里

穀稼殷積又有龜茲鹽池以為人利漢上郡龜茲縣有鹽池在今上郡銀

川之水草豐美土宜產牧北阻山河乘阨據險因渠以

溉水春河漕水春即水碓也河漕通船運也用功省少而軍糧饒足故

孝武皇帝及光武築朔方朔方即今郡開西河置上郡皆為

此也而元元被灾衆羌內潰郡縣兵荒二十餘年夫棄

沃壤之饒捐自然之財不可謂利離河山之阻守無險

之處難以為固今三郡未復前因羌寇徙隴西安定北

三郡者當為隴西理襄武捍蔽京師尚遠不要更移餘三郡須復本處是園陵單外園陵謂長安諸

園陵也單外謂無守固而公卿容頭過身但計所費不圖其安宜

開聖聽考行所長書奏帝乃復三郡使謁者郭璜督促

徙者各歸舊縣繕城郭置候驛既而激河浚渠為屯田

省內郡費歲一億計遂令安定北地上郡及隴西金城

北地今彭原安化靈武五原寧朔等郡地常儲穀粟令周數年至陽嘉元年

以隍中地廣更增置屯田五部並前為十部二年復置

隴西南部都尉如舊制漢南部都尉在隴西永和中以

來機為并州刺史劉乘為涼州刺史大將軍梁商謂機

等曰戎狄荒服言其荒忽無常而統領之道亦無常法

臨事制宜畧依其俗今二君素性疾惡欲分明白黑孔

守曰人而不仁疾之已甚亂也况戎狄乎其務安羌胡防其大故忍其小過機等天性虐刻遂不能從到州之日多所擾發五年夏且凍傳難種羌等遂反叛金城與西塞及湟中今西平郡西地雜種羌胡大寇三輔於是拜馬賢為征西將軍將左右羽林五校士及諸州郡兵十萬人討之又於扶風漢陽隴道扶風今汧陽扶風新平等郡地也漢陽隴道並今天水郡作塢壁三百所置屯田以保聚百姓賢軍大敗賢及二子皆戰歿於是東西羌遂大會鞏唐種三千餘騎寇隴西北地又燒園陵掠關中殺長吏武威太守趙冲追擊冲雖戰歿而前後多所斬獲羌由是衰耗自永和羌

叛十餘年間費用八十餘億諸將多斷盜牢廩私自潤

入牢價直

皆以珍寶貨賂左右上下放縱不恤軍事士卒

不得其死者白骨相望於野桓帝延熹二年燒當八種

寇隴右以段熲為校尉將兵及湟中義從羌二千人擊

破之追討南渡河募先登懸索相引力折矢盡且鬪且

行晝夜相攻割肉食雪三十餘日遂至河首積石山山在

今西平安鄉郡界

出塞二千餘里前後斬首虜並受降各萬餘

人會段熲坐事徵還羌遂陸梁覆沒營塢寇患轉盛中

郎將皇甫規張奐雖累破之而寇害不已復遣段熲擊

之自春及秋無日不戰虜遂饑困敗散凡破西羌斬首

二萬三千級獲生口數萬西羌於是弭定東羌先零等
自覆沒馬賢後既降又叛帝以問頰對曰狼子野心難
以恩納唯當白刃加頸耳計其所餘三萬餘落居近塞
內久亂并涼累侵三輔西河上郡已各內徙安定北地
復至單危自雲中五原西至漢陽二千餘里今榆林郡
五原郡也漢匈奴種羌並擅其地是為癰疽伏疹留滯
陽今天水郡脅下如不加誅轉就滋大今若以騎五千步兵萬人車
三千兩三冬兩夏足以破定無慮用費為錢五十四億
如此可令羣羌破盡匈奴長服內徙郡縣得反本土伏
計永初中諸羌反叛十有四年用二百四十億永和之

末復經七年用八十餘億費耗若此猶不誅盡餘孽復

起於茲作害今不暫疲人則永寧無期帝許之靈帝建

寧初頰與先零諸種戰斬首八千餘級頰復追之且破

且追士皆重趼既到涇陽今彭原郡餘寇四千落悉散

入漢陽山谷間時張奐上言東羌雖破餘種難盡頰性

果慮輕負敗難常宜且以恩降可無後悔詔書下頰頰

復上言曰臣本知東羌雖衆而軟弱易制所以比陳愚

思為永寧之筭而張奐說虜強難破宜用招降云臣用

兵連年累見折衄又言羌一氣所生不可誅盡山谷廣

大不可空靜臣伏念周秦之際戎狄為害中興以來羌

寇最盛誅之不盡雖降復叛今先零雜種累以反覆攻
沒縣邑剽掠人物上天震怒假手行誅臣自動兵衆和
師克自橋門以西落川以東今金城會寧平涼等郡之地非爲深險
絕域之地車騎安行無應折軻按奐駐軍二年不能平
寇誕辭空說僭而無徵何以言之昔先零作寇趙充國
徙居內地當煎亂邊馬援遷之三輔始服終叛至今爲
梗故遠識之士以爲深憂今傍郡戶口單少數爲羌所
瘡毒而欲令降徒與之雜居是猶種枳棘於良田養虺
蛇於室內也故臣奉大漢之威建長久之策欲絕其本
根不使能植本計三歲之費用五十四億今適周年所

耗未半而餘寇殘熾將向殄滅臣每奉詔書軍不內御

願卒斯言一以任臣臨時量宜不失權便二年頽遂進

營逼諸羌大敗之於瓦亭山今在平涼郡蕭關縣是也羌衆潰遂東

奔復聚射虎谷仍分守諸谷上下門又先令千餘人於

西縣今天水郡上邽縣結木爲柵廣二十步長四十里遮之然

後兵擊之窮山深谷之中處處破之斬其渠帥以下萬

九千級獲畜產諸物不可勝數於是東羌悉平凡八百

十戰斬二萬八千六百餘級牛馬羊驢駱駝四十二萬

七千五百餘頭費用四十四億將士死者四百餘人自

爰劔後子孫支分凡百五十種其九種在賜支賜支卽析支

河首以西及在蜀漢徼北叅狼在武都勝兵數千人其五十二種衰少不能自立分散爲附落或絕滅無後或引而遠去其八十九種唯鍾最強勝兵十餘萬其餘大者萬餘人小者數千人更相鈔盜盛衰無常大凡順帝時勝兵可二十萬人發羌唐旄等絕遠未常往來蹇牛白馬羌在蜀漢其種別名號皆不可知也

湟中月氏胡

湟中月氏胡其先大月氏之別也氏音支在張掖酒泉地月氏王爲匈奴冒頓冒音墨所殺餘種分散西踰蔥嶺其羸弱者南入山阻依諸羌居止漢將霍去病破匈奴取

西河地開湟中

今西平郡地

於是月氏來降與漢人錯居難

依附縣官而首施

兩端

首施猶言首尾也

其從漢兵戰鬥隨勢

強弱被服飲食言語畧與羌同亦以父名母姓爲種其大種有七勝兵合九千餘人分在湟中及令居又數百戶在張掖號曰義從胡後漢靈帝中平初與北宮伯玉等反殺護羌校尉冷徵金城太守陳懿遂寇亂隴右焉今天水郡之西北地范曄論曰羌戎之患三代尚矣漢世方之匈奴頗爲衰寡而中興以後邊難漸大朝規失綏御之和戎帥騫然諾之信故永初中羣種蠶起遂解仇嫌結盟詛陸梁三輔建號稱制東侵趙魏之郊南入漢蜀之鄙

乾隆十二年校刊

通鑑卷八十九

邊防五

六

塞湟中斷隴道燒陵園剽城市傷敗踵係羽書日聞并
涼之士持衝殘弊自西戎作逆未有陵斥上國若斯其
熾者也和熹以女君親政威不外接朝議憚兵力之損
情存苟安或以邊州難援宜見捐棄或懼疽食浸淫莫
知所限謀夫迴遑猛士疑慮遂徙西河四郡之人雜寓
關右之縣發屋伐樹塞其戀土之心燔破齒積以防顧
還之思於是諸將鄧騭任尚馬賢皇甫規張奐之徒爭
設雄規更奉征討馳騁東西奔救首尾搖動數州之境
日耗千金之資至於假人增賦借奉侯王引金錢練綵
之珍徵糧粟鹽鐵之積所以賂遺購賞轉輸勞來之費

前後數十巨萬或梟克酋健摧破附落降俘載路牛羊
滿山軍書未奏其利害而離叛之狀已言矣故得不酬
失功不半勞官人屈竭烈士憤喪段熲受事專掌軍任
蒙沒冰雪經履千折之道始殄西種卒定東寇若乃陷
擊之所殲傷追走之所崩藉其能穿窺草石自脫於鋒
鏃者百不一二而張奐盛稱戎狄一氣所生不宜誅盡
流血汗野傷和致妖是何言之迂乎羌雖外患實深內
疾若攻之不根是養痾於心腹也根謂盡其根本惜哉寇敵畧
定矣而漢祚亦衰焉嗚呼昔先王疆理九土判別畿荒
知夷貊殊性難以道御故斥遠諸華薄其貢職唯與辭

要而已若二漢禦戎之方失其本矣何則先零侵境充國遷之內地宣帝時後將軍趙充國擊先零還於金城郡置屬國以處降羌當煎作寇馬援徙之三輔貪其暫安之勢信其馴服之情計日用之權宜忽經世之遠畧豈夫識微者之為乎

氏

氏者西戎之別種在冉隴東北

今通化郡地之東北

廣漢之西

今梓潼

遂寧德陽郡地之北也

君長數十而白馬最大漢武帝元鼎六年

開分廣漢西部合為武都郡

今武都郡地

排其種人分竄

山谷或在上祿

今同谷郡

或在汧隴左右

在今天水汧陽郡地

其種非

一或號青氏或號白氏或稱蚘氏

蚘而占反

此蓋中國人即

其服色而名之也土地險阻有麻田出漆蜜銅鐵椒蠟

氏人勇戇抵冒貪貨死利居於河池一名仇池方百頃

四面斗絕

仇池山在今同谷郡上祿縣

數為邊寇郡縣討之則依固

自守其俗語不與中國及羌胡同各自有姓如中國之

姓其衣服尚青俗能織布善田種畜羊豕牛馬驢騾婚

姻備六禮知書疏多知中國語由與中國錯居故也元

封三年氏人反遣兵討破之分徙酒泉郡昭帝元鳳初

氏人復叛遣大鴻臚田廣明將三輔大常徒討破之至

後漢初氏人悉附隴蜀及隗囂滅其酋豪乃背公孫述

降漢隴西太守馬援上復其王侯君長賜以印綬後囂

族人隗茂反攻殺武都太守氏人豪齊鐘留爲種類所
敬信威服諸豪與郡丞孔奮擊茂破斬之其後亦時寇
盜郡縣不足爲大患魏武之初諸氏戎或叛或伏乃令
夏侯妙才討之因徙武都之種於秦川以禦蜀晉時關
隴屢爲氏羌所擾孟觀西討因擒氏帥齊萬年華陰令
江統深唯四夷亂華宜杜其萌乃作徙戎論曰春秋之
義內諸夏而外夷狄以其言語不通贄幣不同法俗詭
異種類乖殊或居絕域之外山河之表崎嶇險阻之地
與中國壤斷土隔不相侵涉賦役不及正朔不加故曰
天子有道守在四夷其氣貪婪凶悍不仁四夷之中戎

狄爲甚弱則畏服強則侵叛雖聖賢之代大德之君威
未能以道化率導而以恩德柔懷也當其強也以殷之
高宗武丁而憊於鬼方有周文王而患昆夷獫狁漢祖
困於白登孝文軍於霸上及其弱也周公來九譯之貢
中宗宣帝納單于之朝以元成之微而猶四夷賓服此
其已然之效也故匈奴求守邊塞而侯應陳其不可單
于屈膝未央蕭望之議以不臣是以有道之君不牧夷
狄也唯以待之有備禦之有常雖稽顙執贄而邊城不
弛固守爲寇賊強暴而兵甲不加遠征期令境內獲安
疆場不侵而已及至周室失統諸侯專征以大兼小轉

相殘滅封疆不固而利害異心戎狄乘間得入中國或
 招携安撫以為已用故申繒之禍顛覆宗周襄公要秦
 遽興羌戎當春秋時義渠大荔居秦晉之域陸渾陰戎
 處伊洛之間僂瞞之屬瞞莫干反害及濟東侵入齊宋陵虐
 邢衛齊桓攘之存亡繼絕北伐山戎以開燕路故仲尼
 稱管仲之力嘉左衽之功逮至春秋之末戰國方盛楚
 吞蠻氏晉翦陸渾趙開榆中之地秦滅義渠之種始皇
 之并天下也南兼百越北走匈奴五嶺長城戍卒億計
 雖師役煩殷寇賊橫暴然一切之功戎虜奔却當時中
 國無復四夷也漢興都長安關中之郡號曰三輔禹貢

雍州宗周鄠鎬之舊也及建武中以馬援領隴西太守
 討叛羌徙其餘種於關中居馮翊河東空地而與華人
 雜處數代之後族類蕃息既恃其肥強且苦漢人侵之
 永初之元騎都尉王弘使西域調發羌氏以為行衛於
 是羣羌奔駭互相扇動二州之戎一時俱發覆沒將守
 屠城破邑鄧騭之征棄甲委兵輿屍喪帥前後相繼諸
 戎遂熾至於南入蜀漢東掠趙魏唐突軹關今濟源縣侵及
 河內今郡地乃建北軍中候朱寵將五營士卒於孟津今
 陽縣拒羌十年之中夷夏俱弊任尚馬賢僅乃尅之此所
 以為害尤重累年不定者雖由禦之者無方將非其才

乾隆十二年校刊

通鑑卷之九 邊防五

亦豈不以寇發心腹害起肘腋疹篤難療瘡大遲愈之
故哉自此之後餘燼小有際會輒復侵叛馬賢憚伏終
於覆敗段熲臨衝自西徂東雍州之戎常爲國患中代
之寇唯此爲大漢末之亂關中殘滅魏興之初與蜀分
隔疆場之戎一彼一此魏武令夏侯妙才討叛氏阿貴
千萬等後因拔棄漢中遂徙武都之種於秦川欲以弱
寇強國并禦蜀虜此蓋權宜之計一時之勢非所以爲
萬代之利也今者當之已受其弊矣夫關中土沃物豐
厥田上上加以涇渭之流溉其烏鹵鄭國白渠灌浸相
通黍稷之饒畝號一鍾帝王之都每以爲居未聞戎狄

宜在此土也非我族類其志必異戎狄志態不與華同
而因其衰弊遷之畿服士庶翫習侮其輕弱彼其怨恨
之氣毒於骨髓至於蕃育衆盛則生其姦心以貪悍之
性挾憤怒之情候隙乘便輒爲橫逆而居封域之內無
障塞之隔掩不備之人收散野之積故能爲禍滋蔓暴
害不測此必然之勢已驗之事也當今之宜宜及兵威
方盛衆未能定徙馮翊今郡北地今彭原郡新平今郡安定今郡
界內諸羌著先零罕开析支之地徙扶風今郡始平今城武功今郡
功縣京兆之氏今京兆府地出還隴右著陰平今郡武都武都郡
今郡之界廩其道路之壘令足自致各附本種反其舊

乾隆十二年校刊

通鑑卷百九 邊防五

三

土使屬國撫夷就安集之戎晉不雜並得其所上合往
古卽叙之義下爲盛代永久之規縱有猾夏之心風塵
之警則遠絕中國隔閼山河雖爲寇暴所害不廣是以
克國子明能以數萬之衆制羣羌之命有征無戰全軍
獨克雖有謀謨深計廣大遠圖豈不以華夷異處戎夏
區別要塞易守之固得其成功者哉難者曰方今關中
之禍暴兵二載征戍之勞老師十萬水旱之害荐饑累
荒疫癘之災札瘥天昏凶逆旣戮悔惡初附且欵且畏
咸懷危懼百姓愁苦異人同慮異寧息之有期若枯旱
之思雨誠宜鎮之以安悅而子方欲作役起徒興功造

事使疲瘁之衆徒自猜之寇以無穀之人遷乏食之虜
恐勢盡力屈緒業不卒羌戎離散心不可一前害未及
弭而後變復橫出矣答曰羌戎猾夏擅相署號攻城野
戰傷害牧守連兵聚衆載離寒暑矣而今異類瓦解同
種土崩老幼繫虜丁壯降散禽離獸迸不能柅一子以
此等爲尙挾餘資悔惡反善懷我德惠而來柔附乎將
勢窮道盡智力俱困懼我兵誅以至於此乎曰無有餘
力勢窮道盡故也然則我制其短長之命而令其進退
由已矣夫樂業者不易事安居者無遷意方其自疑危
懼畏怖促遽故可制以兵威使之左右無違也迨其死

亡流散離邊未鳩與關中之人戶皆爲讐故可遐遷遠處令其心不懷土也夫聖賢之謀事也爲之於未有理之於未亂道不著而平德不明而成今子遭弊事之終而不圖更制之始愛易轍之勤得覆車之軌何哉且關中之人百萬餘口率其少多戎狄居半處之遷之必須口實若有窮乏糝粒不繼者故當仰關中之穀以全其生生之計必無擠於溝壑而不爲侵掠之害今我遷之傳食而至附其種族自使相贖而秦地之人得其半穀此爲濟行者以廩糧遺居者以積倉寬關中之逼去賊盜之源除朝夕之損建終年之益若憚暫舉之小勞而

忘永逸之弘策惜日月之煩費而遺累代之寇敵非所謂能開物成務創業垂統崇本拓跡謀及子孫者也并州之胡本實匈奴桀惡之寇也漢宣之代凍餒殘破國內五裂後合爲二呼韓邪遂衰弱孤危不能自存依阻塞下委質柔服建武中南單于復求降附遂令入塞居於漠南數代之後亦輒叛反故何熙梁觀戎車屢征中平中靈帝時以黃巾賊起發調其兵部衆不從而殺羌渠南單于也由是以扶羅羌渠子也求助於漢以討其賊仍值代喪亂遂乘釁而作鹵掠趙魏寇至河南建安中又使右賢王去卑誘質呼厥泉於扶羅之弟聽其部落散居六郡太原西河


乾隆十二年校刊

重刊頁七 邊防五

三

平陽上黨樂平今郡地新興今雲中定襄郡地咸熙之際以一部太極分爲三
率泰始之初又增爲四於是劉猛內叛猛卽元海之連叔父右賢王
結外虜近者郝散之變發於穀遠惠帝元康中匈奴郝散反攻城邑謀殺長
吏於穀遠卽今今五郡之衆戶至數萬人口之盛過於
西戎然其天性驍勇弓馬便利倍於氐羌若有不虞風
塵之慮則并州之城可爲寒心也滎陽句驪本居遼東
塞外正始中幽州刺史毋邱儉伐其叛者徙其餘種部
落百數子孫孳息今已千計數代之後必至殷熾今百
姓失職猶或亡叛犬馬肥充則有噬齧况於夷狄能不
爲變夫爲邦者患不在貧而在不均患不在寡而在不

安以四海之廣士庶之富豈須夷虜在內然後駭足哉
此等皆可申諭發遣還其本域慰彼羈旅懷土之思釋
我華夏纖芥之憂惠此中國以綏四方也未及十年而
夷狄亂華時人服其深識於是戎狄迭據中原其爲戰
國者百三十六載而劉元海爲之禍首初後漢建安中
氐酋楊勝爲部落大帥勝子駒勇健多計畧始據仇池
於上平地立宮室果園倉庫其地東接秦嶺西接宕昌
八百里南去漢中四百里北至岐州三百里戶本有十
萬漸漸分滅焉駒後有名千萬者魏拜爲百頃氏主千
萬孫飛龍漸漸強盛晉武帝時平西將軍還居畧陽楊氏與胡



氏同出畧陽畧陽地
今天水郡隴城縣

無子養外甥令狐茂搜為子晉惠

帝元康初避齊萬年之亂率部落還保百頃自號右賢

王關中人士奔流者多依之自茂搜至姪曾孫纂皆降

附於晉受官爵苻堅遣將楊安苻雅等討纂克之徙其

人於關中空百頃之地初茂搜孫宋奴二子佛奴佛狗

奔苻堅以女妻佛奴子定以為尚書領軍將軍及堅敗

於淮南關中擾亂定盡力奉堅堅死將家奔隴右徙理

歷城歷城今在同谷郡西十里去仇池九十里也

置倉儲於百頃招合夷夏

人得千餘家進平天水畧陽郡

天水畧陽並今天水郡地

遂有秦州

之地

今天水隴西同谷武都陰平郡地

後與乞伏乾歸戰定軍敗見殺

佛狗子盛先襲位分諸四山氏羌為二十部護軍各為

鎮戍不置郡縣至子難當時宋梁州刺史

理漢中

甄法護

刑政不理難當舉兵襲梁州法護委鎮奔洋州

今洋州難

當遂有漢中之地

宋文帝元嘉十年

難當自為大秦王號年曰

建義置百官後傾國南寇規有蜀土不克乃還宋文帝

遣龍驤將軍裴方明等討難當方明等至漢中長驅而

進直到武興攻下辦

今同谷郡同谷縣

取白水克仇池難當於

是將妻子奔後魏難當從弟文度自立為武都王後魏

遣將皮歡熹破殺之弟文弘自為武都王至孫紹先為

後魏將邢巒傅堅眼所破滅以其國為武興鎮

今順政郡後

改鎮爲東益州後唐永爲刺史氏人反攻圍州城永歿
氏遂削平城堞因此復爲氏地西魏文帝大統四年南
岐州氏苻安壽反攻陷武都自號大皇遣侯莫陳順等
討破之周文帝於武興又置東益州以紹先子辟邪爲
刺史辟邪據州反吐羅協與趙景討平之

葱茈羌

燉煌西西域之南山中從媯羌媯而遮反西至葱嶺數千里
有月氏餘種葱茈茈音紫羌白馬黃牛羌各有酋豪北與
諸國接不知其道里廣狹傳聞黃牛羌種類孕身六月
生南與白馬羌鄰並魏時聞焉

通典卷第一百九十

唐 京 兆 村 佑 君 卿 纂

邊防六


西戎二

吐谷渾

吐谷渾本遼東鮮卑也西晉時酋帥徒何涉歸有二子
長曰吐谷渾少曰若洛廐胡罪反代統部落別爲慕容氏
渾庶長廐正嫡父在時分七百戶與渾渾與廐二部俱
牧馬馬鬪相傷廐怒遣使謂渾曰先公處分與兄弟異
部牧馬何不相遠而令馬鬪渾曰馬是畜生食草飲水

春氣發動所以致鬪鬪在於馬而怒於人耶乖別甚易
 今當去汝於萬里之外矣於是擁馬西行乃西附陰山
 今朔方屬永嘉之亂始度隴西止於枹罕而後子孫據
 有甘松之南洮水之西南極於白蘭在益州西北甘松山在
 今合川郡境內臨洮和政郡之南及合川郡之地其地四時常有冰雪唯六七
 月雨雹甚盛若晴則風飄沙礫有麥無穀其青海周迴
 千餘里海中有小山每冬冰合後以良牝馬置此山至
 來冬收之馬有孕所生得駒號曰龍種吐谷渾嘗得波
 斯草馬放入海因生驄駒能行千里故時稱青海驄焉
 至其孫葉延以禮云公孫之子得以王父字為氏吾祖

始自昌黎先宅於此今以吐谷渾為氏尊祖之義也自
 吐谷渾至葉延曾孫視熊皆有才畧知古今司馬博士
 皆用儒生至其子阿豺自稱驃騎將軍沙州刺史阿豺
 兼并羌氏號為強國遣使詣宋朝獻阿豺死弟慕瓚立
 瓚音遣軍擊乞伏菟蔓敗之菟音東奔隴右慕瓚據有
 其地其時赫連定據長安為後魏主所攻敗擁秦雍戶
 口十餘萬西次罕开慕瓚拒擊大破之生擒定送於魏
 後弟慕延立魏太武帝遣軍擊延大破之慕延率部落
 西奔白蘭攻破于闐國南依蜀賓七年乃還舊土慕延
 死阿豺兄樹落干子拾寅立始邑於伏羅川至元孫夸



呂立自號為可汗理伏俟城在青海西十五里有地方數千里其西北諸雜種謂之阿貲虜貲即移反其南界隴澗城去成都千餘里大城有四一在清水川一在赤水一在澆河一在吐屈真川皆子弟所理其主理慕賀川西有黃沙南北百二十里東西七十里不生草木雖有城郭不居而隨逐水草官有王公僕射尚書及郎中之號其主椎直追反髻以皂為帽其妻衣織成裙披錦袍辮髻於後首載金花丈夫衣服畧同於華夏多以幕羅為冠亦以縉為帽婦人皆貫珠束髮以多為貴兵器有弓刀甲稍國無常賦須則稅富室商人以充用焉父兄亡妻

後母及嫂等與北狄俗同死者亦皆埋殯其服制葬訖

則除之性貪婪忍於殺害後周明帝武成初夸呂寇涼

州詔質蘭祥率兵討破之又攻拔其洮陽泥和二城置

洮州今臨洮郡地而還武帝天和初其龍涸王莫昌率眾降

以其地為扶州今同昌郡地二年復遣皇太子征之軍度青

海至伏俟城夸呂遁走虜其餘眾而還隋開皇中夸呂

侵弘州在今安化郡馬嶺縣界遣上柱國元諧擊之賊悉發國中

兵自曼頭至於樹敦甲騎不絕諧頻擊破之夸呂率其

覩兵遠遁其名王十三人各率部落而降夸呂在位且

百年死以後還以慕容為姓其子伏允立煬帝初伏允

遣子順來朝帝令鐵勒襲大敗之伏允東走保西平今西平帝復令觀王雄以掩之大破其眾伏允遁逃部落來降十萬餘口伏允懼南遁於山谷間其故地皆空自西平臨羌城以西且末以東祁連以南雪山以北東西四千里南北二千里皆為隋有置郡縣鎮戍發天下輕罪徙居之其地在今西平郡之西張掖酒泉郡之北隋氏置西海且末河源等郡於是留順不之遣伏允無以自資率其徒數千騎客於党項大業末天下大亂伏允及順復其故地大唐貞觀中李靖侯君集破滅之伏允遠遁為左右所殺其子大寧王順歸降於是重建其國封順為西平王仍加越巨胡呂

烏甘豆可汗之號旋又為其下所殺十年立順子諾曷鉢為河源郡王主其國自爾衰弱而吐蕃強盛高宗時為其破滅諾曷鉢以餘眾復來降中間叛去於靈州之境置安樂州以諾曷鉢為刺史其故地並沒於吐蕃後又封渠帥慕容宣超為青海王武太后朝郭元振上安置降吐谷渾狀曰臣昨見唐休璟張錫等眾議商量其吐谷渾部落或擬移就秦今天隴今汧水郡隴陽郡或欲移近豐今九原郡靈武今靈武郡責令漸去邊隅使居內地用為防閑之要冀免背叛之虞臣以為並是偏見之一端未為長久之深冊若近秦隴則與監牧雜居如在豐靈復與默啜甫邇必以

乾隆十二年校刊

通鑑卷三十九 邊防六

慮其翻覆須有遷移縱至中土安可易變其本性至如
耽爾乙句貴往年王孝傑奏請自河源軍徙居靈州用
爲愜便及其逃叛之日穿監牧掠馬羣所在傷夷大損
州縣是則遷居中土無益之明驗矣往者素和貴雖背
聖化只從當所居地叛走其於中國無所損傷但是失
少許吐渾耳豈與句貴之爲害同日而語哉今吐谷渾
之降者非驅略而來皆是渴慕聖化衝鋒突刃棄吐蕃
而至者也臣謂宜當循其情以爲制勿驚擾之使其情
地稍安則其係戀心亦日厚當涼州降者今武威郡則宜於
涼州左側安置之當甘州今張掖郡肅州降者今酒泉郡則宜於

甘肅左側安置之當瓜州今晉昌郡沙州降者今燉煌郡則宜於
瓜沙左側安置之但吐渾所降之處皆是其舊居之地
斯輩既投此地實有戀本之情若因其所投之地而便
居之其情易安因數州而磔裂之則其勢自分順其情
分其勢而不擾於人可謂善奪戎狄之權矣何要纂聚
一處如一國使情通意合如一家脫有異志則一時盡
去傷害州縣爲患滋深何如分置諸州使每州皆得吐
渾使役欲有他懷必不能遠相連結總去臣愚輒以爲
勝冊如允臣此見其所置之處仍請簡取當處強明官
人於當處鎮遏之則小小爲非亦可杜絕兼每使達蕃

情識利害者共宣超兄弟一人歲往巡按以撫護之無使侵削其生業日就樂戀自亦深矣如此臣實爲羈縻戎狄之良冊設使後有去就不過邊州失少許吐渾終無傷於中國今此輩心悠揚而無主未知所安在早定安置之計無令驚擾速生邊患

乙弗敵

乙弗敵後魏聞焉在吐谷渾北國有屈海其海周迴千餘里衆有萬落風俗與吐谷渾同然不識五穀唯食魚與蘇子蘇子狀若中國枸杞子或赤或黑西有契翰一部風俗亦同土特多狼

宕昌

宕昌羌後魏時興焉亦三苗之允與先零燒當罕开諸部姓別自立酋帥皆有地分不相統攝宕昌卽其一也俗皆土著居有棟宇其屋織氈牛尾及殺羊毛覆之無法令又無徭賦唯征伐之時乃相屯聚不然則各事生業不相來往皆衣裘褐牧養羴牛羊豕以供其食俗有蒸報無文字但取木榮落以記歲時三年一相聚殺牛羊以祭天俗重虎皮以之送死有梁勤者代爲酋帥得羌豪心乃自稱王其界自仇池以西東西千里席水以南南北八百里

仇池山在今同谷郡上祿縣席水在今天水上邽縣地多山阜部

衆二萬餘落至其孫彌忿始遣使於後魏大武帝拜爲宕昌王七葉孫彌秦皆受南北兩朝封爵

宋齊梁及魏並各羈縻之

後見兩魏分隔永熙末種人企定乃引吐谷渾寇金城

今郡後企定弟彌定寇石門成周武帝天和初詔大將軍田弘討平之以其地爲宕州

今懷道郡

鄧至

鄧至羌之別種也後魏時與焉有像舒理者代爲白水

酋帥因地名爲種號鄧至王其地自干亭以東平武以

西汶嶺以北宕昌以南

今懷道郡之南通北郡之北風交川臨冀同昌郡之地也

土習俗與宕昌同自舒理至十代孫舒彭附於後魏孝

文帝封甘松縣子鄧至王後數代西魏恭帝初其主擔

術因亂來奔周文帝遣兵送還白後無聞

党項

党項羌在古析支之地漢西羌之別種魏晉以降西羌

微弱周滅宕昌鄧至之後党項始強南雜春桑迷葉等

羌北連吐谷渾其種每姓別自爲部落一姓之中復分

爲小部落大者萬餘騎小者數千騎不相統一有細封

氏費聽氏往利氏頗超氏野律氏房當氏米禽氏拓拔

氏而拓拔最爲強族俗皆土著有棟宇織氍牛及羊毛

覆之俗尚武無法令賦役其人多壽年至百五六十歲

不事生產好爲竊盜常相陵劫尤重復讐讐人未得必蓬頭垢面跣足蔬食要斬讐人而後復常男女並衣裘褐仍被大氊不知耕稼土無五穀氣候多風寒以鼈牛馬驢羊豕爲食五月草始生八月霜雪降求大麥於他界醞以爲酒妻其庶母及伯叔母嫂子弟之婦媼穢蒸報諸夷中最爲甚然不婚同姓少死者則仰天云枉而悲哭焚之名爲火葬無文字但候草木以記歲時○大唐貞觀三年南會州都督府鄭元璿遣使招諭其酋長細封步賴舉部內附亦自入朝列其地爲軌州拜步賴爲刺史其後諸部相次內附列其地爲呢奉巖遠四州

各拜首領爲刺史

白蘭

白蘭羌之別種周時興焉東北接吐谷渾西至叱利摸徒南界郡鄂風俗物產與宕皆同周武帝保定元年朝獻使至

吐蕃

吐蕃在吐谷渾西南不知有國之所由或云禿髮利鹿孤有子樊尼其主僞檀爲乞伏熾盤所滅樊尼率餘種依沮渠蒙遜其後子孫西魏時爲臨松郡丞今張掖郡張掖縣界與主簿皆得衆心因魏末中華擾亂招撫羣羌日以強

乾隆十二年校刊

通鑑卷一百一十五 邊防六

大遂改姓為宰

蘇骨反

敦野故其人至今號其主曰贊府

貴臣曰主簿又或云始祖贊普自言天神所生號鷓堤

悉補野因以為姓

宰敦野與悉補野言訛其實一也或云本姓奔蘇農也

其國出

鄯城五百里過烏海入吐谷渾部落彌多彌蘇毗及白

蘭等國至吐蕃界其國風雨雷雹每隔日有之盛夏節

氣如中國暮春之月山有積雪地有冷瘴令人氣急不

甚為害其俗重漢繒而貴瑟瑟用乃女用為首飾其君長

或在跋布川或居邏婆川有小城而不居坐大氊帳張

大拂廬其下可容數百人兵衛極嚴而衙府甚狹俗養

羊取乳酪供食兼取毛為褐而衣焉不食驢馬肉以

麥為麩人死殺牛馬以殉取牛馬積累於墓上其墓正

方累石為之狀若平頭屋其臣與君自為友號曰共命

人其數不過五人君死之日共命人皆日夜縱酒葬日

於脚下針血盡乃死便以殉葬又有親信人用刀當腦

縫鋸亦有將四尺木大如指刺兩肋下死者十有四五

亦殉葬焉設官父死子代絕嗣即近親襲焉非其種類

輒不相服其官章飾有五等一謂瑟瑟二謂金三謂金

飾銀上四謂銀五謂熟銅各以方圓三十褐上裝之安

膊前以辨貴賤法令嚴肅兵器有弓刀楯稍甲冑每戰

前隊皆死後隊方進人馬俱披鎧子甲其制甚精周體

皆遍唯開兩眼非勁弓利刃之所能傷也其戰必下馬
列行而陣死則遞收之終不肯退槍細而長於中國者
弓矢弱而甲堅人皆用劍不戰亦負劍而行其驛以鐵
箭爲契其箭長七寸若急驛膊前加著一銀鵝有草名
速古芒葉長二寸狀若斜蒿有鼠尾長於常鼠其國禁
殺者加其罪有可跋海去赤嶺百里方圓七十里東南
流入蠻與蠻西二河合流而東號爲漾鼻水又東南出
會川爲瀘水焉自赤嶺至邏婆川絕無大樹木唯有楊
柳人以爲資置大論以統理國事無文字刻木結繩爲
約徵兵用金箭寇至舉燧與其臣下一年一小盟用羊狗彌

猴三年一大盟用人馬牛驢以麥熟爲歲首其國都號爲邏

婆城用法嚴整議事則自下而起因人所利而行之此
其所以能強且久也重壯歲老母拜於子重兵死惡疾
終以累代戰沒者爲甲門臨陣奔北者懸狐尾於其首
表其似狐之怯其贊普弄贊雄霸西域隋開皇中其主
論贊率弄贊都特柯西疋播城已五十年矣國界西南
與婆羅門接自大唐初已有勝兵數十萬號爲強國男
女皆辮髮氊裘以頭塗面無器物以手捧酒而飲之屈
木令圓以皮作底就中而食俗多金及小馬党項白蘭
諸部及吐谷渾西域諸國咸畏懼之至其主弃蘇農贊

貞觀十五年正月以宗室女封文成公主降於吐蕃贊
普命禮部尚書江夏王道宗送之贊普親迎於河源見
王人執子壻禮甚謹覩大國服飾禮儀之美俯仰有媿
沮之色謂所親曰我祖父未有通婚大國者今我得尚
大唐公主當築一城以誇後代仍遣酋豪子弟請入國
學以習詩書高宗初封賓王蘇農死其子早卒以孫
代立號乞黎拔布幼小大相祿東贊攝知國事總章中
以兵臨吐谷渾吐谷渾告急咸亨中高宗令將軍薛仁
貴郭待封等率衆十餘萬伐之至大非川爲大論欽陵
所敗因遂滅吐谷渾欽陵姓薛氏其父祿東贊頗曉兵

術吐蕃贊府以國事委之講兵訓師雅有節制吐蕃之
并兼諸羌雄霸西土東贊有力焉有子五人及東贊死
欽陵兄弟復專其國上元中寇鄯廓等州儀鳳三年遣
工部尚書劉審禮爲洮河軍總管率兵十八萬以討之
戰於青海軍敗沒於陣調露二年中書令李敬元戰於
大非川又敗績續遣黑齒常之襲擊破之武太后如意
初武威軍總管王孝傑大破吐蕃復龜茲于闐疎勒碎
葉四鎮至萬歲通天初又寇涼州執都督許欽明欽陵
兄弟皆有才略欽陵多居中諸弟分領方面諸蕃憚之
二年吐蕃大論欽陵遣使請和武太后遣前梓州通泉

縣尉郭元振往至野狐河與陵遇陵曰大國久不許陵和陵久不遣蕃使以久無報命故去秋有口涼之抄斯實陵罪今欲和好能無懼乎振乃謂曰論先考東贊以宏才大略服事先朝結好通好荷榮承寵本期傳之永代垂於無窮論不慕守舊恩中致猜阻無故自絕日尋干戈屢犯我河湟頻擾我邊鄙且父通之子絕之豈爲孝乎父事之子叛之豈爲忠乎然論之英聲籍甚遐外各自爲主奚爲懼乎陵曰如所來言陵無憂矣今天恩旣許和好其兩國戍守咸請罷置以便萬姓各守本境靡有交爭豈不休哉然以西十姓突厥四鎮諸國或時

附蕃或時歸漢斯皆類多翻覆伏乞聖恩含弘拔去鎮守分離屬國各建侯王使其國君人自爲守旣不欵漢又不屬蕃豈不人免憂虞荒陬幸甚振曰十姓四鎮本將鎮靜戎落以撫寧西土通諸大邦非有他求論今奚疑而有憂虞乎論曰使人此詞誠爲實論然緣邊守將多好功名見利而動罕守誠信此蕃國之所爲深憂也振曰十姓諸部與論種類不同山川亦異爰覽古昔各自區分復爲我編人積有年歲今論欲一言而分離數部得非昧弱苟利乎陵曰使人豈不疑陵貪冒無厭謬陳利害窺竊諸部以爲漢邊患耶陵雖識不逮遠請爲

使人明之陵若愛漢土地貪漢財幣則青海湟川實邇
漢邊其去中州蓋三四千里必有窺羨何不爭利於此
中而突厥諸部懸在萬里之外磧漠廣莽殊異中國安
有爭地於萬里外而能為漢邊患哉捨近務遠計豈然
也但中州人士深謀多計天下諸國皆為漢并雖大海
之外穹塞之表靡不磨滅矣今吐蕃塊然獨在者非漢
不貪其土地不愛其臣僕實陵兄弟小心謹密得保守
之耳而十姓中五咄六部諸落僻近安西是與吐蕃頗
為遼遠俟斤諸部密近蕃境其所限者唯界一磧騎士
騰突旬日即可以蹂踐蕃庭為吐蕃之巨蠹者唯斯一

且烏海黃河關源阻深風土疫癘縱有謀夫猛將亦
不能為蕃患矣故陵無敢謬惑西邊沙路坦達夷漫故
縱羸兵庸將亦易以為蕃患故凌有此請實非欲侵漁
諸部以生心於漢邊陵若實有謀漢之懷有伺隙之意
則甘涼右地暨於積石此道綿細幾二千里其廣者不
過二三百里狹者纔百里陵若遣兵或出張掖或出玉
門使大國春不遑種秋無所穫五六歲中或可斷漢右
界矣又何以為棄所易而窺所難乎此足明陵心矣往
者高宗以劉審禮有青海之役乃使黃仁素賈守義來
和陵之上下將士咸無猜忌故邊守不戒嚴和事曾未

畢以爲好功名人崔知辨從五侯斤路乘我間隙瘡痍
我衆驅掠牛羊蓋以萬計自此陵之國人大危慄和事
矣今之此求但懼好功名者之吞噬冀此爲翰屏以虞
之實非有他懷焉振曰茲事漫汗體大非末吏所能明
論當發使奉章以聞取裁於聖主陵乃命郎宗乞思若
爲使振曰今遣使之後國不可更犯漢邊且蕃使前後
入朝不時遣者良以使去之後兵仍犯漢故朝廷躊躇
曰是給徒改我也以爲偵謀不以爲使人遂遷延無報
今若踵前陵塞是故陷所去人使孰謂請和也陵俛首
踞蹠久之曰陵與國人咸恨崔知辨之前事故嘗有此

舉以虞好功者之來侵比實以選練騎士三萬分路出
師使人既有此言今既於和事非便安可相違卽罷兵
散卒遂指天爲信斯具之表矣振與思若至時朝廷以
四鎮十姓事欲罷則有所顧欲拒則有所難沉吟久之
莫之能決振爲役夏奉戎竭內事外非計之得乃獻疏
曰臣聞利或生害害亦生利國家奄有天下園囿八荒
而萬機百揆之中最難消息唯吐蕃與默啜受命是將
不利於中國若圖之不審則害亦隨之如防害有方則
利亦隨之今欽陵所論唯分裂十姓地界抽去四鎮兵
防此是欽陵切論者若以爲可允則當分明斷決之若

以爲不可允則當設冊以羈縻之終不可直拒絕以阻其意使與邊患也臣竊料此事關隴動靜之機豈可輕舉措哉使彼旣和未絕則其惡亦不得頓生請借人事爲比設如人家遭盜一則攻其內室一則寇其外落主人必不先於外寇而憂在內室矣何則以內患近而外患遠也今國之外患者十姓四鎮是內患者甘涼瓜肅是復關隴之人事屯田向三十年臣料其力用久竭弊矣脫一朝甘涼有不虞此中豈堪廣調發耶臣實病之不知朝廷以爲何如夫善爲國者當先料內以敵外不貪外以害內今議事者捨近患而靡恤務遠患而是貪

臣愚駑罔識厥策必以四鎮殷重事不可依何不言事以答之如欽陵云四鎮諸部與蕃界接懼漢密近蘭

金城

郡

平今西

北爲漢患實在茲輩斯亦國家之所要者今

宜報陵云國家非恡四鎮本置此以扼蕃國之尾分蕃國之力使不得并兵東侵今若頓委之於蕃恐蕃力強易爲東擾必實無東意則宜還漢吐渾諸部及青海故地卽俟斤部落當以與蕃如此足塞陵口而和事未全絕如後小有乖則曲在彼兼西邊諸國欵附歲久論其情義豈與吐蕃同日而言今未知其利害未審其情實逕有分裂亦恐傷諸國之意非制馭之筭待籌損益知

其利便續以有報如此則亦和未爲絕更使彼蕃懸情
上國是亦誘人之方伏願省擇使無遺笑以惠百姓也
其後贊府年長忌欽陵乃與首領論巖等密圖之言將
獵召兵執欽陵親党二千餘人殺之自帥衆討欽陵欽
陵自殺其親信左右同日自殺者百餘人其弟贊婆先
在東境率千餘人來降授右衛大將軍乞梨拔布神龍
初死其子立乞梨弩悉籠時年七歲祖母祿沒氏攝位
至中宗神龍三年四月以所養嗣雍王守禮女封金城
公主出降吐蕃贊普景龍四年正月幸始平縣送金城
公主以左驍衛大將軍楊矩爲使二月改始平縣爲金
城縣又改其地爲鳳臺鄉槍別里天寶十四年死其子
立號乞犁悉籠納贊

大羊同

大羊同東接吐蕃西接小羊同北直于闐東西千餘里
勝兵八九萬人其人辮髮氊裘畜牧爲業地多風雪冰
厚丈餘所出物產頗同番俗無文字但刻木結繩而已
刑法嚴峻其酋豪死抉於穴反去其腦實以珠玉剖其五
臟易以黃金假造金鼻銀齒以人爲殉卜以吉辰藏諸
巖穴他人莫知其所多殺牴牛羊馬以充祭祀葬畢服
除其王姓姜葛有四大臣分掌國事自古未通○大唐

貞觀十五年遣使來朝

悉立

悉立在吐蕃西南戶五萬有城邑村落依溪澗丈夫以
繒綵纏頭衣氊褐婦人辮髮著短裙以蒸報爲俗畜多
水牛殺羊雞豕穀宜秔稻麥豆饒甘蔗諸果死葬於中
野不爲封樹喪制以黑爲衣一年就吉刑有刑劓羈事
吐蕃自古未通中國○大唐貞觀二十年遣使貢方物

章求拔

章求拔或云章揭拔本西羌種也在悉立西南居四山
之內近代移出山西接東天竺遂改衣服變西羌之俗

其地延袤八百里勝兵二千餘人居無城郭好爲寇掠
商旅患之聞悉立入朝亦遣使朝貢

泥婆羅

泥婆羅國在吐蕃西其俗剪髮與眉齊穿耳瑠植竹簞
緩至肩者以爲姣麗食用手其器皆用銅多商賈少田
作以銅爲錢面文爲人背文爲馬其牛鼻不穿孔衣服
以一幅布蔽身數日盥漱以板爲屋壁皆雕畫俗重博
戲頗解推測盈虛兼通歷術事五天神鑄石爲像每日
清水浴神烹羊而祭其王那陵提婆身着真珠諸寶耳
垂金鈎玉鐙佩寶裝仗突坐獅子座常散花燃香大臣

及左右並坐於地有阿耨婆瀾池周迴二千餘步以物
投之卽生煙焰懸釜而炊須臾而熟○唐永徽二年遣
使朝貢

通典卷第一百九十一

通典卷第一百九十一

唐 京兆 佐 君 卿 纂

邊防七

西戎三

西戎總序

西域以漢孝武時始通本三十六國皆在匈奴之西烏
孫之南南北有大山中央有河東西六千餘里東則接
漢阨以玉門陽關二關並在
今燉煌郡西則限以葱嶺諸國大率
土著有城郭田畜與烏孫異故皆役屬匈奴西邊日逐
王領西域賦稅取足焉其南山東出金城今金城會寧
安鄉西平等

乾隆十二年校刊

通典卷第一百九十一 邊防七

即漢金城郡地與漢南山屬焉屬聯也自玉門陽關出西域有兩

道從鄯善傍南山北波河西行循河曰波彼義反至莎

車為南道西踰葱嶺則出大月氏安息氏音支自車師前

王庭今交河郡隨北山波河西行至疏勒為北道西踰葱嶺

則出大宛康居奄蔡焉耆自張騫開西域之迹其後霍

去病擊破匈奴右地降渾邪休屠王屠音除遂空其地始

築令居以西令音鈴縣名今西平郡之西北初置酒泉郡後稍發徙人

充實之分置武威張掖燉煌酒泉四郡地並今郡據兩關焉

自李廣利伐大宛之後西域震懼多遣使來貢獻於是

東自燉煌西至鹽澤即蒲昌海在今交河北庭界中往往起亭障是時

軍旅連出師行二三十年海內虛耗征和中貳師李廣

利以軍降匈奴帝既悔遠征伐而搜粟都尉桑弘羊與

丞相御史奏言故輪臺以東捷枝渠犁皆故國地輪臺渠犁

地名今在交河北庭界中其地相連廣饒水草有溉田五千頃以上處溫

和田美可益通溝渠種五穀與中國同時熟田一歲有

積穀募人壯健有累重敢徙者詣田所累重謂妻子家屬就畜

積為本業益墾溉田稍築列亭連城而西以威西國帝

深陳既往之悔乃下詔曰前有司奏欲益人賦三十助

邊用每取三十錢是重困老弱孤獨也而今又請遣卒田輪

臺輪臺西於車師千餘里前開陵侯擊車師時開陵侯匈奴介

乾隆十二年校刊 邊防七

和王來降者也危須尉犁樓蘭六國皆發畜食迎漢軍又自發

兵凡數萬人王各自將共圍車師降其王諸國兵便罷

力不能復至道上食漢軍漢軍破城糧食至多壯士自

載不足以竟師雖各自載糧而在道已盡至歸塗而尚苦乏食不終師旅之事強者盡

食畜產羸者道死數千人朕發酒泉驢橐駝負食出玉

門迎軍吏卒起張掖不甚遠然尚厮留甚眾厮留言是前後雜廁

不相及逮厮音斯曩者朕之不明以軍候弘上書言匈奴縛馬

足置城下馳言秦人我乞若馬謂中國人為秦人習故言也乞若猶言乞汝乞

又漢使者久留不還故遣貳師將軍欲以為使者威

重也古者卿大夫與謀參以蓍龜不吉不行謂共卿大夫謀事尚

不專決猶雜問蓍龜乃者丞相御史二千石諸大夫為文學者皆

言祥善而易之卦得大過爻在九五其繇曰枯楊生華何象曰枯楊生華何

可久也謂匈奴破不久匈奴困敗公車方士太史理星占氣及太

卜龜著皆以為吉匈奴必破時不可得也今便利之時後不可再得

卦諸將貳師最吉卜遣諸將內於卦中貳師最得吉故朕親發貳師今

計謀卦兆皆反繆失一狼走千羊乃者貳師敗軍士死

略離散言死及被虜掠並自離散悲痛常在朕心今請遠田輪臺欲

起亭隧隧依深險之處開行道是擾勞天下非所以優人也朕不

忍聞且匈奴得漢降者常提掖搜索問以所聞搜索者恐其或

私賚文書今邊塞未正闡出不禁郵候長吏使卒獵獸以皮

肉爲利辛苦而烽火乏失亦上集不得

爲邊塞有闌出逃亡之人而主

者不禁又長吏利於皮肉多使鄣候之卒獵獸故令烽火有乏又其人勞苦因致奔亡凡此失皆不集於所上

書文後降者來若捕生口虜乃知之既不上文書所以當時不知至有降者來

及生口或虜得時句當今務在禁苛暴止擅賦力本務

農脩馬復令因養馬以免徭賦也復方目反以補缺無乏武備而已郡

國二千石各上進畜馬方略補邊狀與計偕與上計者同來赴對

由是不復出軍而封丞相田千秋爲富人侯以明休息

思富養人也昭帝時乃用桑弘羊前議以給使外國者

至宣帝遣衛司馬使護鄯善以西數國及破姑師未盡

分以爲車師前後王及山北六國時漢獨護南道未

能盡并北道也神爵三年匈奴日逐王來降護鄯善以

西使者鄭吉迎之乃因使吉并護北道故號曰都護都

護之起自吉置矣由此匈奴益弱不得近西域於是徙

屯田於比胥鞬披莎車之地鞬居言反披分也屯田校尉始屬

都護都護督察烏孫康居諸外國都護理烏壘城去陽

關二千七百四十里與渠犂田官相近土地肥饒於西

域爲中故理焉至元帝復戊己二校尉屯田於車師前

王庭戊己中央鎮覆四方又開渠哀平間自相分割爲

五十五國凡國白譯長城長君監吏大祿伯長千長都

尉且子餘反渠當戶將相至侯王皆佩漢印綬凡三百七

十六人而康居大月氏安息罽賓烏弋之屬皆以絕遠不在數中其來貢獻則與相報不督錄總領也至王莽時四邊擾亂與中國遂絕並復役屬匈奴前往西域有二道自元始以後有三道從玉門關出西經婼羌婼而遮反轉西越葱嶺經懸度入大月氏為南道從玉門關西出發都護并廻三隴沙北頭經居盧倉從沙西北過龍堆到故樓蘭轉西詣龜茲至葱嶺為中道從玉門關西北出經橫坑辟三隴沙及龍堆出五船皆到車師界戊己校尉所理高昌轉西與中道合合茲新道至後漢永平中匈奴脅服諸國共寇河西郡今武威張掖等郡之地城門晝

閉明帝乃命將北征匈奴取伊吾盧地今伊吾縣置宜禾都尉以屯田遂通西域于闐諸國西域自絕六十五載乃復通焉明年始復置都護戊己校尉及明帝崩焉耆龜茲茲攻沒都護陳睦匈奴車帥圍戊己校尉章帝不欲疲弊中國以事夷狄乃迎還戊己校尉不復遣都護復罷屯田匈奴因遣兵守伊吾地時軍司馬班超留于闐綏集諸國和帝永元初竇憲大破匈奴因遣副使尉閻盤掩擊伊吾破之三年班超遂定西域因以超為都護居龜茲復置戊己校尉於是五十餘國悉納質內屬其條支安息諸國至於海濱四萬里外皆重譯貢獻九年班

乾隆十二年校刊

通鑑纂要卷之七

超遣掾甘英窮臨西海而還皆前代所不至莫不備其風土傳其珍怪焉及超被徵以任尚爲都護尚謂超曰徼承君後宜以誨之超曰塞外吏士本非孝子順孫皆罪過徙補邊屯而蠻夷懷鳥獸之心難養易敗今君性嚴急水清無大魚察政不得下和宜蕩佚簡易寬小過總大綱而已超去後尚私謂所親曰我以班君當有奇策今所言平平耳尚至數年安帝初西域背叛如超所誠頻攻圍都護任尚段禧等朝廷以其險遠難相應赴詔罷都護由此遂棄西域北匈奴卽復收屬諸國共爲邊寇十餘歲燉煌太守曹崇請出兵擊匈奴復欲進取

西域鄯太后不許但令置護西域副校尉居燉煌羈縻而已其後匈奴連與車師入寇河西漢不能禁議者因欲閉玉門陽關以絕其患尚書陳忠上疏曰臣聞八蠻之寇莫甚北虜高祖窘平城之圍文帝屈供奉之恥故孝武憤怒深惟久長之計命遣武臣浮河絕漠窮破虜庭遂開西河四郡以隔絕南羌收三十六國斷匈奴右臂是以單于孤特竄跡遠藏由此觀之戎狄可以威服難以化狎西域內附日久區區東向扣關者數矣此其不樂匈奴慕漢之效也今北虜以破車師勢必南攻鄯善棄而不救則諸國從矣若然則虜賄益增膽勢益殖

威臨南羌與之交連如此河西四郡危矣不得不救則
百倍之役興不訾之費發矣議者但念西國絕遠恤之
煩費不見先代苦心勤勞之意也臣以爲燉煌宜置校
尉按舊增四郡屯兵以西撫諸國庶足折衝萬里震怖
匈奴太后又召班超之子勇問之勇議曰昔者孝武皇
帝患匈奴強盛開通西域諸論者以爲奪匈奴庫藏斷
其右臂遣王莽篡位徵求無厭胡夷忿毒遂以背叛光
武中興未遑外事故匈奴負強驅率諸國及至永平再
攻燉煌河西郡城門晝閉明帝命武臣出征西域故匈
奴遠遁邊境得安及至永元莫不內屬會間者羌亂西

域復絕北虜遂遣責諸國備其逋租高其價直嚴以期
會鄯善車師皆懷忿怒思樂事漢其路無從前所以時
有叛者皆由牧養失宜還爲其害舊燉煌郡有營兵三
百人宜復之復置護西域副校尉居於燉煌如永元故
事又宜遣西域長史將五百人屯樓蘭西當焉耆龜茲
徑路南強鄯善于闐心膽北扞匈奴東近燉煌如此誠
便長樂衛尉譚顯等難曰朝廷前所以棄西域者以其
無益於中國而費難供也今車師以屬匈奴鄯善不可
保信一朝反覆班將軍能保北虜不爲邊害乎勇對曰
今中國置州牧者以禁郡縣姦猾盜賊也若州牧能保

盜賊不起者臣亦願以腰斬保匈奴之不為邊害也今通西域則虜勢必弱虜勢必弱則為患微矣孰與歸其府藏續其右臂哉為置校尉以扞北撫西設長史以招懷諸國若棄而不立則西域屈就北虜緣邊之郡將受困苦恐河西城門復有晝閉之微矣今不廓開朝廷之德而拘屯戍之費若北虜遂熾豈安邊久長之策哉大尉屬毛軫難曰今若置校尉則西域絡繹遣使求索無厭與之則費難供不與則失其心一朝為匈奴所迫當復求救則為役大矣勇對曰今設以西域歸匈奴而使其因西域租入之饒兵馬之衆以擾動緣邊是為富仇

讐之財增暴夷之勢也置校尉者宣布威德以繫諸國內向之心以疑匈奴覬覦之請而無費財耗國之慮也且西域之人無他求索其來入者不過廩食而已今若拒絕勢必北屬夷虜并力以寇并涼則中國之費不止十億於是從忠勇議乃以勇為西域長史將五百人西屯柳中今交河郡縣勇遂破平車師自建武至於延光西域三絕復通順帝永建二年勇復擊降焉耆於是龜茲踈勒于闐莎車等十七國皆來服從而烏孫葱嶺以西遂絕六年帝以伊吾舊膏腴之地傍近西域匈奴資之以為抄暴復令開設屯田如永元時事置伊吾司馬一人

自陽嘉以後朝威稍損諸國驕放轉相陵伐矣爰自魏及晉中原多故西域朝貢不過三四國焉至後魏太武帝使董琬使西域還且言其地爲三域自葱嶺以東流沙以西爲一域始墨以南月氏以北爲一域兩海之間水澤以南爲一域三域之內諸小渠長蓋以百數其出西域更爲四道自玉門流沙西行二千里至鄯善爲一道自玉門度流沙北行二千二百里至車師爲一道從莎車西行一百里至葱嶺西千三百里至伽部爲一道自莎車西南五百里至葱嶺西南千二百里至波路爲一道焉於是貢獻者十有六國孝文延興中尙書奏以

燉煌一鎮界遠西北寇賊路衝慮或不固欲移就涼州羣官會議給事中韓秀曰此蹙境之事非闕土之宜愚謂燉煌之立其來久矣雖土鄰強寇而兵人素習縱有姦竊不能爲害循常置戍足以自全進斷北狄之覘途退塞西夷之闕路若徙就姑臧慮人懷異意或貪留重遷情不願徙脫引寇內侵深爲國患且燉煌去涼州三千里捨遠就近防制有闕一朝廢置是啟戎心則夷狄交構互相來往恐醜徒協契侵竊涼土邊役繁興艱難方甚乃從秀議焉隋煬帝時遣侍御史韋節司隸從事杜行滿使於西蕃諸國至剽賓得瑪瑙杯王舍城得佛

經史國得十舞女獅子皮火鼠毛而還帝復合裴矩於
武威張掖間往來以引致之皆啗以厚利令轉相諷諭
大業中相率而來朝者四十餘國帝因置西戎校尉以
應接之自燉煌西出玉門陽關涉鄯善北通伊吾千里
自伊吾北通車師前部高昌壁千二百里自高昌壁北
通車師後部金蒲城今北庭府縣五百里此其西域之門戶
內地故漢戍已校尉更互屯焉伊吾地宜五穀桑麻蒲
萄其北及柳中皆膏腴之地故漢帝與匈奴爭車師伊
吾以制西域至隋有商胡雜居勝兵千餘人附於鐵勒
人甚驕悍厥田良沃隋末內屬置伊吾郡屬天下亂又

臣突厥○大唐貞觀四年以頡利破滅遂舉其屬七城
來降因列其地爲西伊州同於編戶至武太后如意初
武威軍總管王孝傑大破吐番復龜茲于闐疎勒碎葉
四鎮自是諸國朝貢侔於前代矣神龍以後黑衣大食
強盛漸并諸國至於西海分兵鎮守焉族子環隨鎮西
西征天寶十載至西海寶應初因今之所纂其小國無
賈商船舶自廣州而回著經行記異聞者則不暇錄焉
諸家纂西域事皆多引諸僧遊歷
國事法盛歷諸國傳道安西域志惟佛國記曇勇外國
傳智猛外國傳支曇諦烏山銘翻經法師外國傳之類
皆盛論釋氏詭異奇迹參
以他書則紕謬故多畧焉

樓蘭

乾隆十二年校刊

通鑑卷百七 邊防七

樓蘭在婁羌西北漢時通焉王理扞泥城去陽關千六
百里東去長安六千一百里戶千五百西北去都護理
所千八百里至山國千三百餘里此國山居故名山國西北至車
師千九百里地沙鹵寄田仰穀傍國國多出葭葦檉柳
胡桐白草白草牛馬所嗜也胡桐似桐蟲食其樹而沫
下流出者俗名為胡桐淚言似眼流也可以
汗金人隨畜牧逐水草有驢馬多橐駝能作兵器與婁
羌同初漢武帝因張騫之言甘心欲通大宛諸國使者
一歲中多至十餘輩樓蘭姑師當道苦之每給使者受
其勞費故屬
也苦攻劫漢使王恢等漢將趙破奴率屬國騎謂諸外國
屬漢者
及郡兵擊之虜樓蘭王遂破姑師於是列亭障至玉門

矣樓蘭既降服貢獻匈奴聞發兵擊之於是樓蘭遣一
子質漢後貳師將軍擊大宛便道引兵捕樓蘭王將詣
闕簿責王對曰小國在大國間不兩屬無以自安願徙
國入於漢地上直其言遣歸國樓蘭王死後王立樓蘭
國最東垂近漢當白龍堆乏水草常主發道負米擔糧
送迎漢使又數為吏卒所懲艾不便與漢通艾讀
曰艾後復
為匈奴反間數遮漢使昭帝遣平樂監傅介子往刺其
王懸首北闕下乃立其弟尉屠耆為王更名其國為鄯
善王自請天子曰身在漢久今歸單弱而前王有子在
恐為所拒國中有伊循城其地肥美願漢遣一將屯田

積穀令臣得依其威重於是漢遣司馬一人吏士四十人田伊循以鎮撫之其後置都尉伊循官置始此矣鄯善當漢道衝西通且末且此七百二十里自且末以往皆種五穀土地草木產畜作兵畧與漢同自後無聞至後魏太武時其國爲沮渠安周所攻其王西奔且末而

且末

且末國漢時通焉王治且末城去長安六千八百里戶二百三十西北至都護理所二千二百里北接尉犁丁零東與白提西接波斯精絕南至小窰可三日行地有

蒲萄諸果人皆剪髮着氍毹小袖衣爲衫則開頸而縫前多牛羊騾驢其王安末柴盤梁武帝普通五年遣使貢獻謂之末國梁史云且末其國西北有流沙數百里夏月有熱風爲行旅之患風之欲至老駝先知卽鳴而聚立埋口鼻於沙中人每以爲候卽將氍毹擁蔽鼻口其風迅駛斯須過盡若不防者以致危斃

杆彌

杆彌漢時通焉王理杆彌城去長安九千三百里戶三千三百東北至都護理所三千五百里南與疎勒東北與龜茲西北與姑墨接西通于闐四百里後漢改其國

曰拘彌居寧彌城亦曰寧彌城國順帝永建中爲于闐王放前破殺其王與陽嘉初燉煌太守徐由遣疎勒發兵擊破于闐遂更立拘彌王靈帝熹平中又爲于闐所破殺掠殆盡衆纔千口

車師 高昌附

車師前王後王並漢時通焉前王國一曰前部理交河城今交河郡水分流繞城下故爲號去長安八千一百里戶千五百西南至都護理所千八百里西域長史及戊巳校尉並理於此去燉煌十三日行其地東西三百里南北五百里四面多大山後王國理務塗谷卽今蒲城今北庭府蒲類

縣也去長安八千九百里戶六百西南至都護理所一千

二百三十餘里北與匈奴地接初漢武帝征和四年中遣重合侯馬通將諸國之兵共圍車師焉車師王乃降服昭帝時匈奴復使四千騎田車師及其王烏貴與匈奴結親遂教之遮漢道通烏孫者宣帝地節二年遣侍郎鄭吉校尉司馬熹音許吏反將免刑罪人田渠犁積穀欲以攻車師至秋收穀吉熹發城郭諸國兵共擊車師攻交河城破之王尚在北石城中未得會吉食盡歸渠犁田秋收後更往攻石城王乃輕騎奔烏孫焉吉還田渠犁及車師益積穀以安西國侵匈奴匈奴大臣皆曰車

師地肥美近匈奴使漢得之多田積穀必害我國不可
不爭也遣騎來擊吉吉將田士卒保車師城匈奴圍城
數日乃解吉上書車師去渠犁千餘里間以山河北近
匈奴漢兵在渠犁者勢不能相救願益田卒於是召故
車師太子軍宿在焉耆者立以為王盡徙車師國人令
居渠犁遂以車師故地與匈奴車師王得近漢田官與
匈奴絕亦安樂親漢其後置戊巳校尉屯田車師故地
即今交河郡漢平帝元始中車師後王國有新道出五
取之以置校尉船北通玉門關往來差近戊巳校尉徐普欲開以省道
里避白龍堆之阨車師後王姑句音鈎以道通當為杜置

心不便也

杜支杜也言有所置立而支杜於已故心不便也杜音竹禹反

地又頗與匈

奴南將軍地接其後舉國降匈奴

盡舉一國之衆

是時王莽易

匈奴單于璽單于怒大擊北邊而西域亦瓦解焉耆國

近匈奴先叛殺都護但欽莽不能討西域因絕至後漢

和帝元光二年大將軍竇憲破北匈奴車師震懼

之涉反

前後王各遣子入侍其後屢叛至安帝延光四年長史

班勇擊其後王軍大破斬之桓帝永興初後部王阿羅

多攻圍漢屯田且固城殺傷吏士後部侯炭遮領餘人

叛阿羅多詣漢降阿羅多從百餘騎亡走北匈奴中漢

立後部故王軍就質子卑君為後部王阿羅多復從匈

奴中來降於是更立阿羅多為王將卑君還燉煌以後
部人三百帳別屬役之食其稅帳者猶中國戶之數至魏帝時賜其

王一多離守魏侍中號大都尉及晉以交河城為高昌

郡蓋因其地高敞人庶昌盛立名或云昔漢武帝遣兵西討師旅頓敞者因住焉有漢時高昌壘故也張

軌呂光沮渠蒙遜在河西皆置太守以統之焉後魏太

武時其前部王為沮渠無諱所攻遣使上表云不能自

全遂捨國東奔三分免一在焉耆東界幸垂賑救魏使

撫慰開焉耆倉給之文成帝末其地又為蠕蠕所并立

闕伯周為王高昌稱王自此始闕始濫反孝文太和五年高車主阿

伏至羅殺闕王以燉煌人張孟明為高昌王太和二年

孟明為國人所殺立馬儒為王以鞏顧禮麴嘉為左右

長史儒又通使後魏請內蜀人皆戀土不願東遷相與

殺儒立嘉為王高昌麴嘉于靈鳳金城郡榆中人今郡地

既立為王會焉耆為嘍噠所破眾不能自立請主於嘉

嘉遣其第二子為焉耆王出是始大益為國人所服其

都城周迴千八百四十步於坐室畫魯哀公問政於孔

子之像國內有城十八置四十六鎮官有令尹有交河

公田北公皆其王子也餘官多同中國大事決之於王

小事則太子及二公隨狀斷平章錄紀事訖即除籍書

之外無久掌文案官人雖有列位並無曹府唯每朝集

於衙門評議衆事諸城各有戶曹水曹田曹每城遣司馬侍郎相監檢校名爲城令服飾丈夫從胡法婦女人畧同華夏兵器有弓箭刀楯甲稍文字亦同華夏兼用胡書有手詩論語孝經歷代子史集學官弟子以相教授雖習讀之而皆爲詩賦稅則計田輸銀無者輸麻布其刑法風俗婚姻喪葬與華夏大同其人面貌類高麗辮髮施之於背女子頭髮辮而垂其地高燥多石磧氣候溫暖與益州相似穀麥再熟宜蠶多五果有草名爲羊刺其上生蜜而味甚佳赤鹽如朱白鹽如玉多葡萄酒俗事天神兼信佛法國中羊馬牧於隱僻以避外寇

非貴人不知其所又有草實如繭中絲如細纒名爲白疊子國人取織以爲布交市用焉其國北有赤石山山北七十里有一貪汗山夏有積雪此山之北鐵勒界也從武威西北有捷路度沙磧一千餘里四面茫然無有蹊徑欲往者不可準記唯以人畜骸骨及駝糞爲驗路中或聞歌哭之聲行人尋之多致亡失蓋魑魅魍魎也故商旅往來多取伊吾路孝明帝正光中嘉遣使求借五經諸史并請國子助教劉燮以爲博士及隋文帝開皇中突厥破其四城有二千人來歸中國嘉孫伯雅立其大母本突厥可汗女其父死突厥令依其俗伯雅不從

者久之突厥逼之不得已而從煬帝大業五年伯雅來朝因從擊高麗還尚宗女華容公主八年歸蕃○至大唐武德中遣使獻狗雌雄各一高六寸長尺餘性甚惠能牽馬銜燭云本生拂菻國其後不供職貢貞觀四年其王文泰來朝伯雅後與西突厥連結諸國朝貢者皆路出高昌文泰稍擁絕之至十三年太宗謂其使曰高昌數年來朝貢崩略我使人至彼文泰云鷹飛於天雉竄於蒿猫遊於堂鼠安於穴各得其所豈不快耶明年當發兵以擊汝國十四年八月交河道行軍大總管侯君集平高昌國下其郡三縣五城三十二戶八千四十

六口萬七千七百二十四馬千三百疋太宗以其地爲西州以交河城爲交河縣始昌城爲天山縣田北城爲柳中縣東鎮城爲蒲昌縣高昌城爲高昌縣初西突厥遣其葉護屯兵於可汗浮圖城與高昌爲影響至是懼而來降以其地爲庭州并置蒲類縣每歲調內地更發千人鎮遏焉黃門侍郎褚遂良上疏曰臣聞古者哲后必先華夏而後戎狄務廣德化不事遐荒是以周宣薄伐至境而止始皇遠塞中國分離漢武負文景之聚財翫土馬之餘力始通西域將三十年復得天馬於宛城採蒲萄於安息而海內空竭生人物故所以租至六畜

算至舟車因之年凶盜賊並起搜粟都尉桑弘羊復希主意請遣士卒遠田輪臺築城以威西域武帝翻然追悔棄輪臺之野下哀痛之詔人神感悅海內又康向使不然生靈盡矣是以光武中興不踰葱嶺孝章卽位都護來歸今誅滅高昌威加西域收其鯨鯢以爲州縣然則王師初發之歲河西供役之年飛芻輓粟十室九空數郡蕭然五年不復陛下歲遣千餘人遠事屯戍終年離別萬里思歸去者資裝自須營辦旣賣菽粟傾其機杼經途死亡復在言外兼遣罪人增其防遏彼罪人者生於敗肆終於惰業犯禁違公必能擾於邊城無益於

行陣所遣之內復逃亡官司捕捉爲國生事設令張掖摩飛酒泉烽舉豈能得高昌一人斗粟而及事乎終須起發隴右諸州星馳電擊由斯而言此河西者方已腹心彼高昌者他人手足豈得糜費中華以事無用書曰不作無益害有益此之謂也陛下平頡利於沙塞滅吐渾於西海突厥餘衆尋爲可汗吐渾隨崩更樹君長復立高昌非無前例此所謂有罪而誅之旣服而立之四海百蠻誰不聞見蠕動懷生畏威慕德宜擇高昌可立者而立之徵給首領兼還本國負戴漢恩長爲藩翰中國不擾旣富且寧傳之子孫以貽永代矣不從

龜茲

龜茲

又一日邱茲

漢時通焉

王理延城

今名伊邏盧城

都白山之

南二百里

隋西域圖云常有火及煙

曰山一名阿羯山即是出礪砂之處

東去長安七

千五百里戶七千南與

精絕東南與且末西南與杆彌

北與烏孫西與姑墨接能鑄冶俗有城郭東至都護理

所烏壘城四百里烏壘二百十與都護同理其南三百

里至渠犁渠犁城都尉一人戶百三十東北與尉犁東

南與且末南與精絕接昭帝田輪臺與渠犁地皆相連

也宣帝時烏孫公主遣女東有大河東流號計戍水據

漢書則黃河也


其真黃河也見雍州西平郡篇

○大唐貞觀二十三年

將軍阿史那社爾伐龜茲虜其王如歸立嗣子素稽為

王今安西都府所理則龜茲城也今王則震之後也今

并有漢時姑墨温宿尉頭三國之地



乾隆十二年校刊

通鑑卷百七 邊防七

文化甲子

